



Wasa Rice 200g
Em Skel Ya
 GROWN FOR THE PEOPLE OF PNG

Kina Benk i opim nupela brens long Visen Siti



Praim Minista, Peter O'Neill i traिम nupela Kina ATM kat bilong em long rausim mani asde long taim bilong opim nupela Visen Siti Brens long Pot Mosbi. CEO bilong Kina, Syd Yates i sanap smail long sait na Gavana bilong Benk ov PNG, Loi Bakani i sanap redi long traिम ATM kat bilong em long baksait.

Photo: Nicky Bernard. Lukim moa piksa stori long pes 19...

Josiah Ururu Kana i raitim

PRAIM Minista Peter O'Neill i bin opim nupela brens bilong Kina Benk insait long Visen Siti Bisnis Senta long Pot Mosbi long Trinde 10 Epril 2017.

Praim Minista O'Neill i tok em i impoten long kisim praivet sekta i kam insait long wok bilong kirapim fainensel literesi long mak bilong ol kastoma.

"Kantri bilong yumi i wok long senis long olupela kain laip i go long nupela laipstail bilong ikonomi na gavman bilong mi i go pas long helpim ol pipel long senisim sindaun bilong ol, long wei bilong bringim fainensel literesi i go long ol liklik pipel long ples.

"Olsem na wok we Kina Benk i mekim nau em i hap bilong dispela visen mipela i gat long senisim sindaun bilong ol pipel bilong mipela," Mista O'Neill i tok.

Long dispela taim tu Gavana bilong Benk ov PNG, Lo Bakani wantaim olupela Siaman bilong Kina bod Sir Rabbie Namaliu na ol narapela memba bilong Kina bod, tu i bin stap.

Sif Ekseketiv Opisa bilong Kina Bank Syd Yates i autim tingting bilong benk long strongim ikonomi bilong kantri na long helpim ol pipel.

I go moa long pes 2...

INSAIT

CEPA

May 2017 Issue inside

4-pela pes Pul-aut



P13,14,15,16



Vodafone
Smart turbo 7



PNG Air

Yu Gat Sois

Bukim Tiket

7222 2151

Fri Kol: 16111

Onlain Bukim Tiket:
www.pngair.com.pg

Pastaim meri deputi komisina bilong Kastoms resis long Raikos Open

Kina Benk opim nupela brens long VC

I kam long pes 1...

James G. Kilai raitim

WANPELA bikipela savemeri bilong Raikos na pastaim deputi komisina bilong PNG Kastoms, Kessy Sawang i putim han i go antap pinis na nau resis long Raikos Open 2017 Nesenel Ileksen long Madang provins.

Dispela meri em gat moa save long rot gavman bilong PNG save kisim mani na plening o redim bilong PNG Nesenel Baset.

Kessy Sawang bai resis

aninit long PNG Nesenel Pati, na resis wantaim tripela arapela meri long salensim MP James Gau.

Bikipela han-mak dispela mama i bin mekim em taim em i tokaut long midia na wol i harim tu taim em i tokaut olsem baset o mani-plen bilong nesenel gavman i bin asua long 2016 Nesenel Baset.

Ms Sawang yet i bin tokaut long las yia olsem i bin gat bikipela asua insait long Nesenel Gavman Baset bilong

2016.

Insait long wanpela intaview wantaim ABC Pacific Beat, Sawang i tokaut na kolim baset olsem: "an unbelievable breach of the Constitution"...Dispela i min olsem asua long mani mak long baset i brukim Mama Lo bilong PNG.

Kessy Sawang bai resis wantaim arapela tripela meri tu husat i resis long Raikos Open olsem ol indipenden kenideit.

Madang provins i lukim 14-

pela meri i sanap resis long 2017 Nesenel Ileksen. Ol dispela meri em tupela i sanap long Madang Rijnol resis, wanpela long ol em Mary Kamang, husat i resis aninit long PNG Pati.

Insait long ol open sit long Madang i lukim tupela meri i sanap long Bogia, wanpela long Madang Open, wanpela long Midel-Ramu, foapela long Raikos Open, wanpela meri long Sumkar Open na tripela meri bai resis long Usino-Bundi Open.

Mista Yates i tok olsem bikipela tingting bilong Kina em long ol kastoma bilong em na ol komyuniti bilong ol i mas kamap gut wantaim ol isi rot bilong kisim fainens sevis olsem na long opim dispela nupela brens em i go wantaim dispela tingting o visen.

Long wankain taim, Gavana bilong Benk ov PNG, Loi Bakani i tok long taim bilong opim Kina benk nupela brens olsem i gat bikipela nid bilong fainens prosperiti long kantri na em i amamas long Kina i opim dispela brens. Em i tok, dispela i

soim olsem ol i mekim bikipela wok moa long strongim Fainensel literesi o long save bilong wok bilong mani.

Olpela Siaman bilong Kina, Sir Rabbie Namaliu i toktok long pasim dispela seremoni, olsem Kina Benk nau em i stap olsem namba foa (4) bikipela benk insait long kantri na em i gat plen long kirapim ol han o brens bilong em long ol narapela hap bilong kantri tu.

"Mipela i amamas long kamapim moa brens bilong dispela benk bihain." Sir Namaliu i tok.

Usino-Bundi gat planti kendidet tru resis long Momase rijon

USINO-Bundi ilektoret long Madang provins i brukim rekot stret long lukim 51 kendidet i nomineit pinis long sanap resis long 2017 Nesenel Ileksen.

Insait long dispela namba em 49 em ol man na tripela meri i resis. Olgeta dispela 51 kendidet bai resis egensim sisting MP, Anton Yagama.

Insait long namba bilong ol kendidet namba long Momase rijon tu i lukim Madang i stap antap wantaim 14 meri i sanap resis long 2017 ileksen.

Namba bilong ol kendidet insait long Madang provins i lukim Madang Rijnol wantaim 31 kendidet, Bogia 40, Madang Open 27, Midel-



Agatha Yombai em wanpela long tripela meri i sanap long Usino-Bundi Open nesenel ileksen.

Ramu 35, Raikos Open 36, Sumkar 46 na Usino-Bundi 52.

Namba bilong ol meri i resis long wanpela ilektoret tu i lukim Raikos Open i Igat

foapela meri i sanap long ileksen. Wantaim Raikos em Wewak long Momase rijon i lukim Wewak Open long Is Sepik provins i gat foapela meri kendidet.

Wanpela strongpela maus meri, Agatha Yombai, husat i resis long Usino-Bundi Open sit i tokaut olsem nau em taim long lukim ol meri i sanap long bringim wari na bel pen bilong ol mama i go aut.

Yombai i save wok pastaim olsem jenda opisa wantaim Ramu NiCo Menesmen (MCC) long Madang tasol em i risain long resis long 2017 nesenel ileksen.

Pastaim long dispela wok

bilong em olsem jenda opisa, Agatha i bin wok olsem wanpela tisa husat i bin gat han mak long skulim ol bikipela manmeri long Kurumbukari eria long lain long rit na rait. Em i bin go pas long wanpela adalt literasi skul na i go pas long kirapim ol elementeri na praimer skul long Kurumbukari eria.

Agatha i tokaut olsem em wanpela mama husat i stap klostu wantaim wok bilong ol mama na meri long risos projek eria long Usino-Bundi, na em save long hevi we ol meri save bungim.

Em i tok em laik resis long helpim sindaun bilong ol meri, yuts na ol pikinini long kamapim gutpela bihain taim bilong ol long ples na rurel

Gutpela samting bai kamap long APEC – O'Neill i tok

James G Kila i raitim

PRAIM Mista O'Neill i tok olsem Papua Niugini i gat planti rijon we i gat planti kain kain kalsa na tredisen na gutpela bilas na ples long lukim.

Praim Minista O'Neill i bin tokaut long dispela long insait long namba sikis Sekyuriti Patna Grup Miting (SPWG6) long Mosbi dispela wik.

Em i tok, i gutpela tru long ol deliget o bikpela meri bilong narapela kantri husat i kam long APEC miting bai amamas long lukim trupela kalsa na bilas bilong Papua Niugini.

Em i tok tu olsem ol pipel long kantri i wok long amamas olsem PNG bai lukautim bikipela APEC miting long Mosbi, olsem na em moa gutpela long bringim ol miting i go long ol taun long wan wan rijon bilong kantri.

Mista O'Neill i tokaut long dispela taim tu olsem em i gat strongpela bilip olsem em bai gat inap namba long kamapim nupela gavman gen. Em i tok ol gijaman toktok olsem nupela gavman i kam bai senisim toktok long PNG bai no inap lukautim APEC miting em bai no inap kamap.

Gavman mas stretim ol PNG taun pastaim long APEC miting

James G. Kila i raitim

MOA wok i mas kamap long redim gut ol taun insait long PNG we 2018 Esia Pasific Ikonmik Komyuniti (APEC) ministas miting bai kamap long en.

Siaman bilong Madang Taun Lenona Asosesin, Talad Lukas i mekim dispela toktok bihain long Praim Minista, Peter O'Neill i tokaut olsem moa long 10-pela taun insait long kantri bai lukautim ol liklik APEC miting pastaim long bikipela kibung i kamap long Mosbi.

Praim Minista O'Neill i bin tokaut long dispela long Tunde long namba sikis Sekyuriti Patna



Madang em wanpela taun bai lukautim APEC miting tasol planti seksen bilong taun rot i bagarap na pulap tru long ol pot-hol. Poto: James G. Kila

Grup Miting (SPWG6) long Mosbi. Mista Lukas i tok olsem wok long

stretim infrastraksa long ol taun bai lukautim miting bilong ol APEC

minista i mas kamap na dispela ol wok i mas stap longpela taim long pablik na PNG pipel ken yusim na amamas long en bihain.

Em i tok tude sampela ol dispela liklik taun we APEC minister miting bai i bagarap tru. Ol rot i bagarap na pulap long hul, ol olupela gavman bilding i sanap yet na no gat mentenens na tu bus i karamapim ples.

Wankain SPWG miting i bin kamap pinis long Madang sampela mun i go pinis.

Dispela miting i lukim ol sekyuriti patna bilong PNG olsem Australia, Nu Silan Yunaited Stets (USA) i toktok long redim ol sekyuriti long taim bilong APEC.

APEC kibung long Mosbi bai lukim ol bikipela wol lida olsem ol presiden na praim minista bilong ol bikipela kantri olsem USA, Rasia, Saina, Japan, Australia na Nu Silan na ol arapela i kam long PNG.

Ol taun na siti long PNG we ol i makim pinis long lukautim ol miting bilong ol minista pastaim long bikipela APEC em Mosbi, Lae, Kokopo, Wewak, Kavieng, Madang, Mt Hagen, Goroka, Pongpoda na Arawa na sampela moa ol i no kolim yet.

Ol dispela taim bai lukautim ol Senia Opisals Miting (SOM) na ol APEC ministerial miting.

PRINT 2017 NATIONAL ELECTION POSTERS

Affordable Rates For Quality Glossy Print!
 A4 @ K1.70 & A3 @ K2.40 including GST
 (Can have it translated into Pidgin) Excluding Freight Charges

Wantok
 Niuspepa Bilong Yumi Ol PNG Stret!

Contact the Sales Team now on
 Phone: 3252500, Fax: 3252579 Mobile: 79187688, 75506452, 76622895 or
 email: sfarapo @wantokniuspepa.com, tekari@wantokniuspepa.com or
 advertising @wantokniuspepa.com



Ol sumatin i soim wok bilong ol long wan wan fekalti na dipatmen bilong ol long DWU open de. Foto: Fr. Janusz svd.

Divine Word Yunivesiti open de 2017

SANDE, namba 7 de bilong mun Me, geit bilong Divine Word Yuniveisti i bin op olgeta long larim ol pipel i kam insait na bung wantaim ol sumatin, akademik na ol leksera bilong Yunivesiti.

Em i Divine Word University Open De we ol sumatin i ken soim hatwok na save bilong ol. Em i de ol i kamap olsem tisa o leksera na skulim ol visita long ol program bilong Fekalti na dipatmen bilong ol.

Bikpela haus bung bilong Pope Jon Pol 2 i kamap olsem komyuniti

yunivesiti. Ol i brukim dispela bikpela haus bung i kamap ol liklik hap, na wan wan fekalti i bosim hap bilong ol yet.

Open De em i taim bilong givim witnes long ol wok ol sumatin i kamapim na narakain

pasin bilong dispela Yuivesiti, we em i bihainim Kristen filosopi o tingting na akademik ekselens. Em i taim we ol patna na sapota i ken lukim kaikai bilong sapot bilong ol. Em i taim, husat i tingting long kamap sumatin o wokman long yunivesiti, em i ken

mekim disisen na tingim taim bihain bilong em wantaim DWU.

Open De em i kamap pasin bilong Divine Word Yunivesiti. Tasol olgeta yia i gat narapela as tingting o het tok.

Dispela yia ol sumatin na ol leksera i bihainim het tok bilong 2017 akademik yia: "Advancing quality collaborative e-learning accessible to all."

Divine Word Yunivesiti motto ; "Sic currite ut comprehendatis" o 'Run to win' i makim tru dispela de – hat wok i karim gen gutpela kaikai.

Bogenvil i redi long referendum

Eleanor Maineke i raitim

HEVI bilong pait long Bogenvil i bin kilim planti pipel na bagarapim ol samting i winim bikpela mani mak.

I go bek long histori long 26 Septemba 1997 wanpela hevi i kamap long brukim lidasip bilong Bogenvil. Em i bin kamap long ples Roreinang insait long Sentral Bogenvil em i hap bilong ol pastaim Bogenvil paitman.

Dispela taim ol i kolim "Roreinang Coup" we Meekamui grup i bin kamap aninit long lidasip bilong Francis Ona husat i bin lusim Bogenvil Interim wantaim Joseph Kabui long go insait long nupela gavman Atonomas Rijon bilong Bogenvil.

Bihain long 20 yia, las wik i makim wanpela bikpela de gen long go insait long bungim Bogenvil olsem wanpela pipel na gavman gen. Pastaim Bogenvil Revolusen Ami (BRA) Komanda, na ol memba bilong Meekamui i bung wantaim long Goro Homes Viles Risot long Arawa long paitim toktok bilong painim wanpela rot long go het long bringim bel isi namel long Roreinang Coup na bungim ol pipel bilong Bogenvil.

Wanpela wik woksop i kisim mani long Australia Dipatmen bilong Foren Afes na Treid (DFAT) wantaim Bogenvil Pis Biding Program long Arawa. Woksop i bin stat long Tunde Me 2.

ABG Minista bilong Bogenvil Pis Agri-men Implementesen, Albert Punghau husat i bin memba bilong Bogenvil Interim Gavman long bipo long taim bilong Roreinang Coup, i kamap.

Ol Marianville soim kalsa bilong PNG

Anna Solomon i raitim

LAS wik Sarere, ol yangpela meri studen bilong Marianville Sekenderi skul ausait long Pot Mosbi i bin kukim ples stret long taim ol i soim ol singsing tumbuna bilong ol.

Ol papamama wantaim ol brata susa na famili i bin helpim long mekim dispela de i wanpela de bilong amamas na lukim ol kain kain bilas na singsing bilong PNG.

Program bilong ol i bin stat long nain klok moning na i go inap long 4 klok. Olgeta yia, dispela skul i save soim kalsa bilong

PNG long skul graun yet na i save pulim ol pablik long Pot Mosbi na ol sampela arapela hap bilong Sentral provins.

Em i wanpela de bilong ol famili i bung na amamas tu bikos ol mama na papa tu i save helpim long bilasim ol pikinini.

Na ol brata na sampela papa na mama tu i helpim long singsing o paitim kundu na garamut long taim ol pikinini meri i singsing.

Wan wan grup husat i go insait na singsing i gat wanpela meri i makim ol.

Dispela studen i go antap long

staj na stori long singsing na stori long ol bilas bilong em.

Long dispela yia ol yangpela i makim Sentral, Milen Be, Oro, M o r o b e , Madang, Westen Hailans, Enga, Jiwaka, Hela, Simbu, Manus, Nu Ailan, West Nu Briten, Is Nu Briten na Bogenvil. Sentral provins tasol i bin gat ol singsing grup bilong M e k e o , R i g o / A b a u , Motu, Roro na Goilala.

Olgeta ol dispela studen grup i bin sain moa yet na soim gut kala bilong wan wan kala bilong ol.



Antap: Ol Sentral studen i bilas gut tru naredi tasol long go insait na singsing.

Daumbilo: Kala bilong ol lain Hela i pulim ai bilong ol manmeri.

Ol poto Carmen Talonu

DREAM BIG

Grow your savings and make your dreams become a reality.

WITH A BSP TERM DEPOSIT

WE ARE BSP

www.bsp.com.pg

BSP



Crown Ailan pipel laikim kendidet baim vot bilong ol

James G. Kila i raitim

OL PIPEL bilong Crown Ailan i stap longwe long bikpela solwara bilong Bismark Si long Madang provins i tokaut olsem husat kendideit i laikim vot long 2017 Nesenel Ileksen i mas baim ol pas-taim.

Ol dispela pipel husat i stap longwe tru klostu long Long Ailan na i serim boda wantaim Siassi Ailan long Morobe provins, i stap tarangu yet bikos gavman sevis no save go long ailan longpela taim tru.

Luteran Yut kodineta, Jack Simon long Buda peris long Crown Ailan i tokaut long dispela bikos planti taim long ol ileksen ol ken-



Ol rurel pikinini long Crown ailan i sanap long nambis. *Poto: James G. Kila*

fideit save go na mauswara nating, tasol bihain ol i winim ileksen ol no save go bek na helpim ol pipel.

Ol pipel i tokaut olsem komyuniti bilong ol long planti yia i go

pinis no save lukim gutpela sevises bilong gavman i go long ol.

“Planti yia mipela save nidim tru sevis bilong gavman olsem helt, edukesen na gutpela transpot long

sevim mipela tasol ol lida mipela i makim long Raikos distrik na tu Madang rijonal memba na gavana save lus tingting tru long mipela,” Simon i tok.

“Ol lida na kendideit save yusim mipela tasol long kisim namba na winim ileksen, tasol taim ol i kisim pawa ol i no save luksave gen long mipela,” em i tok.

Em i tok ol komyuniti lida long dispela longwe ailan i bin kibung na pasim tok olsem husat ol kendidet long nesenel ileksen i laikim vot mas baim ol pastaimem long ol manmeri i givim vot.

“Mipela bai salim vot bilong mipela long ol Raikos kendidet long 2017 nesenel ileksen,” Simon i tok.

Em i tok moa olsem long ol yia i go pinis ol kendidet bilong Raikos Open i save yusim nem bilong wod 34 long kisim namba na kisim helpim long gavman tasol ol gavman sevis no save go daun long ol pipel.

Simon i tok olsem ol gavman woka husat ol i go wok long dispela longwe ailan i no save kisim helpim long ol gavman sevis, na planti i no amamas na i lusim ailan na go bek long taun.

Em i tokaut olsem ol pablik sevan olsem ol tisa na ol helt woka husat save go kisim saplai long Madang taun long moto bot i save stap olsem tri na foapela mun bikos no gat sip long bringim ol i go bek.

Ol pipel spetim posta bilong meri

Isten Hailans pipel i kirap nogut long lukim piksa bilong Gavana Julie Soso em sampela man ispetim taim em i stap namel

long ol narapela posta bilong ol kendidet long pablik ples.

Ol man meri i go i kam na ol i sanap lukluk long

posta na tok taim bilong makim nupela lida na lukim nupela senis divelopmen bilong provins.

- Paulus Tali



Posta bilong ol kendidet bilong ol EHP. *Poto: Paulus Tali*

Kendidet: Givim luksave long Motu-Koita manmeri

Paul Zuvani i raitim

OL manmeri long Motu-Koita i laikim gutpela luksave long Gavman, wanpela kendidet it ok.

Russel Wavik husat i bai resis long Mosbi Not Wes Open long 2017 Ileksen i mekim dispela tok long namba wan kempen bung bilong em long Gabi, las wik.

Em i tok long longpela gavman na ol manmeri bilong narapela hap bilong kantri i kisim ples na yusim samting bilong ol asples na dispela i no gutpela.

Wavik husat i hap Hanuabada na Sepik

(papa Sepik) tasol i go ap long Hanuabada i tok em bai pait long tripela samting long givim luksave i go long ol asples manmeri.

Tripela samting em graun, manmeri na bihain taim.

Em i ran aninit long Pipel Progres Pati. Palamen lida bilong ol Ben Micah na memba bilong Kavieng, Nu Ailan provins.

“Mi ting em i taim ol manmeri i mas makim wanpela man husat i ken pait gut long raits bilong ol asples manmeri,” Wavik i tok.

I gat bikpela namba bilong ol manmeri long

ol Motu Koita ples long Mosbi Not olsem Hanuabada, Tatana na Baruni.

Mosbi Not Wes olsem Mosbi Saut Ilektooret, em planti manmeri i save lukim olsem em i ilektooret bilong ol lokal manmeri na Wavik husat i bilong dispela hap i ken win sapos ol manmeri long Motu Koita i givim em gutpela vot.

Wanpela sapota na kempen opisa, Vani Vaki, i tok Wavik i rait man long makim ol long Palamen.

Em i tok developmen bilong siti i wok long karamapim graun na ples bilong ol na ol i no gat wanpela man i

stap bilong toktok long pasim sampela bilong dispela ol wok.

“Planti taim mipela i wok log vot long ol manmeri bilong narapela ples na ol i no givim luksave long mipela,” Vaki i tok.

“Nau mipela i givim sapot long wanpela man bilong mipela stret husat i save tru long hevi bilong mipela.”

Wavik i bin resis pinis long tripela ileksen dispela bai namba foa taim em i resis gen.

Wantaim em long las wik long kempen em Micah na pikinini meri bilong praim ministia bipo Bill Skate, Anna Skate.

URGENT!!

URGENTLY REQUIRE STREET SALES AGENTS & DISTRIBUTORS TO DO BULK SUBSCRIPTION OF WANTOK NIUSPEPA IN THE FOLLOWING LOCATIONS

Rabaul, Kiunga, Tari, Jiwaka, Manus, Wabag, Kavieng, Simbu, Tabubil, Lae, Mendi, Bulolo, Popondetta, Wewak, Vanimo and Kerema

Qualification:
No specific qualification is required, can be an individual, family, a retired worker or someone who is already engaged in doing News Paper contract work.

For more detail information please call
The Circulation Supervisor, Mr. Mark Timbi on Phone: 3252500,
mobile phone: 72703860/75690395 or
email: mtimbi@wantokniuspepa.com
circulation@wantokniuspepa.com

Midia Kaunsil PNG Presiden i go long Timor-Leste

PRESIDEN bilong Midia Kaunsil PNG, Alexander Rheeney i bin kisim singaut i kam long Pres Kaunsil long Dili, Timor-Leste long go toktok long ol selebren bilong Wol Pres Fridom wik long hap.

Em i bin lusim kantri long asde Trinde 9 long go selebretim namba wan niveseri bilong Midia long Timor-Leste long toktok long ol eksperiens bilong midia long PNG wantaim ol wanwok bilong Saut Is Asia kantri wantaim Australia na Nu Silan.



Alexander Rheeney, Presiden bilong MCPNG i sekhan wantaim Presiden bilong Pres Kaunsil bilong Timor-Leste, Virgilio da Silva Guterres. Poto: Fb.

Emmanuel Macron i nupela presiden bilong Frans

EMMANUEL Macron i nupela presiden bilong Frans. Em i winim lida bilong Front National, Marine Le Pen, na i promis long bungim kantri wantaim.

Macron i gat 39 krismas na bipo em i bin holim wok bilong Ikonmik Minista. Em i wanpela independen kendidet na i no sapotim ol left o right". Em i bin winim 65.1% bilong ol vot na Le Pen i winim 34.9% tasol.

Ol sapota bilong em i tok Macron i win i soim olsem dispela vot bilong Brexit na win bilong Donald Trump long USA i stop nau bikos ol pipel bilong Frans i no soim wankain sapot.

Long taim em i win, Macron i toktok long planti tausen sapota bilong em long Louvre, long Paris na em i tok bai em i sanap strong long was long Frans na Yurop.

Em i promis long bringim ol pipel bilong Frans i kam



Emmanuel Macron i nupela presiden bilong Frans.

bung gen bikos nau i gat planti kros na ol lida na pipel tu i no wanbel long planti bikpela samting.

I tru olsem Macron i win tasol skoa bilong Le Pen i soim olsem far rait grup i winim planti vot. Ol i tok Le Pen i kisim 11 milien vot. Dispela namba i dabol long mak papa bilong em, Jean-Marie Le Pen, i bin kisim long taim em i resis long sia bilong presiden long yia 2002.

Marine Le Pen i egensim tru imigresen na Yuropian Union olsem na bai pati bilong em i kamapim wanpela strongpela oposisen grup long Frans.

Ol ripot i tok tu olsem namba bilong ol pipel husat i vot i daunbilo tru long 40 yia. Klostu wan ted vota i no makim Macron o Le Pen, na 12 milien i no bin vot na samting olsem 4.2 milien i bin bagarapim ol vot pepa.

Macron, husat i no bin resis long ileksen bipo em planti pipel i no save long em inap tripela yia i go pinis. Em i yangpela presiden tru long histori bilong Frans. Bai em i kisim wok bilong presiden long neks wik Sande.

Em bai tekova long kantri we stet ov imejensi i stap yet, we bikpela wari long ol teroris i stap yet na ikonomi bilong kantri i no gro na planti pipel tru i no gat wok.

Pop Francis bai bungim Presiden Trump

Pope Francis bai bungim US Presiden Donald Trump long Me 24 na dispela miting bai i no inap sindaun gut bikos tupela lida i gat narakain tingting long ol kain samting olsem imigresen, ol refuji na klaimet senis.

Mista Trump bai i lusim Midel Is na i go long Rom na bihain bai em i go long Brussels long wanpela miting bilong NATO na bai em i go long Sicily long wanpela miting bilong Group of Seven nesen.

Opis bilong Pop long Vatiken i tok dispela miting bai kamap long Trinde moning Apostolic Palace.

Pope Francis i save holim jeneral odiens olgeta wik



Pope Francis

long Trinde moning na wanpela senia ma long Vatiken i tok dispela miting wantaim Presiden Trump bai kamap bipo long en.

Em i tok, Pop i save bung wantaim wanem lida bilong kantri husat i askim long praiwet miting wantaim em.

Pope Francis i no amamas long nem mama bom

POP Francis i no amamas long nem ol militeri bilong USA i bin givim long bikpela non-nuklia bom em ol i tok, "I Mama bilong olgeta Bom".

Em i tok mobeta ol i no ken yusim dispela hap tok "mama" long taim ol i toktok long wanpela wepon em inap long kamapim bikpela bagarap tru. Ol balus bilong US Air Force in bin dropim dispela bom ol i kolim GBU-43 Massive Ordnance Air Blast (MOAB) long hap we ol i ting ol Islamik Stet paitman i bin hait i stap long isten Afghanistan long las mun.

Ol i yusim dispela nem, Mother of all bombs, long taim ol i wok long toktok long dispela bikpela bom.

"Mi bin sem long taim mi harim disepla nem," Pop Francis i tokim sampela studen husat i bin go lukim em. "Mama i save kamapim laip na dispela i kamapim indai, na yumi tok dispela samting em i wanpela mama. Wanem samting i wok long kamap nau?"

Dispela MOAB, em wanpela non-nuklia GPS-guided bom, ol i bin disainim long 2002 na ol i bin tesim namba wan taim long 2003 we ol soldia bilong Amerika i bin go insait na pait long Iraq long winim woa na stopim

Saddam Hussein. Dispela bom i save karim 8,000 kilograms bilong ol eksplosiv, we ol ol narapela bom i save karim 250-kilogram tasol.

US Jeneral John W Nicholson, NATO komanda long Afghanistan, i tok disisen bilong ol long yusim dispela bom em bikos ol i lukim olsem i gat nid long yusim dispela bom long rausim ol lain ISIS long Afghanistan. Em i tok olsem soldia bilong Afghanistan wantaim US i wok long mekim dispela wok long mun Mas na ol i bilip em i bin rait taim long dropim dispela bom.



Grup poto bilong ol bikpela lida man na meri bilong Bogenvil Pis Komiti husat i bin kamap long woksop bilong bungim ol lain i bin stap long birua sait long kisim wanpela tingting tasol long kamapim bel isi pastaim long Bogenvil Referendum bai kamap bihain. Poto: Eleanor Maineke.

Get Connected
 POM-Kokopo Daily Direct
 On the all new ATR.

PNG Air
 CENTRAL RESERVATIONS
 Phone: + 675 7222 2151
 TOLL FREE NUMBER 16111
 Email: reservations@pngair.com.pg

Planti pot hul kamapim birua long Madang taun rot

Chinese bisnis komyuniti helpim Madang polis

James G. Kila i raitim

MODILON Rot em wanpela bikpela o mein rot tasol i go insait na go aut long Madang taun, na nau yet dispela rot i gat planti hul o ol pot-hol long sampela seksen na i mekim ran bilong trefik i no gut stret long dispela taim bilong Nesenel Ilekseen 2017.



Wanpela long dispela tupela kar i bam long Modilon Rot long Madang taim ol i laik abrusim pot-hol.

Long las wik Mande tasol ol dispela pot-hol i mekim wanpela papa husat i go kisim skul na laik go bek i bungim birua taim kar bilong em i bam wantaim narapela kar. Tupela kar i laik abrusim pot-hol o baret arere tasol long Jomba polis stesin.

No gat wanpela i kisim bagarap long dispela birua taim dispela tupela kar i bam, tasol planti pablik manmeri long Madang i no amamas olsem dispela bikpela Modilon Rot em oltaim i save gat pot-hol long wankain seksen bilong rot. Ol i tok olsem long taim bilong ren em dispela seksen bilong rot i

save gat hevi long ol hul i kamap long rot.

Moa long en tu taim ol manmeri i yusim pedestrian krosing long Modilon Haus Sik, em save givim hat taim long ol kar i stop na sanap long longpela lain stret.

Siaman bilong Madang

Taun Lenonas Asosesin, Talad Lukas i tok kain hevi long rot i gat ol pot-hol na baret long ileksen taim mas opim ai bilong ol lida na tu ol pipel long husat i gat bel na tingting long stretim gut infrastraksa divelopmen long Madang taun. Dispela I save wes-

tim moa taim na planti ol wok lain na ol sumatin save go leit.

Em i tok Modilon Rot em bikpela mein rot we olgeta ol lida na pipel bilong Madang i yusim long go kam long taun, tasol em bikpela sem pasin tru taim ol outsait lain i lukim

ol lida bilong Madang i bilasim trak na kar long kempen taim na ran i go kam.

“Ating ol dispela lain husat i tok olsem ol lida i no gat sem tru long ran long bikpela rot long Madang taun i gat planti pot-hol na baret long en o no gat sem bilong ol,” Lukas i tok.

Em i tok olsem ating long lokal kontraka Woks Dipatmen i kisim long mekim wok i giaman tasol long kisim mani na no save mekim wok gut long lukim.

Lukas i tok olsem ol lida bilong Madang husat i win long 2017 Nesenel Ilekseen i mas lukluk long stretim bikpela rot long Madang taun na tu traime kamapim sampela bikpela senis long sait long infrastraksa long provins.

“Planti nau i gat planti kar na tu planti manmeri bikos divelopmen i wok long kamap. Olsem na ol lida mas lukluk long dispela sait long kamapim gutpela divelopmen long sait long infrastraksa bihainim divelopmen,” Lukas i tok.

OL LAIN Chinese Bisnis Komyuniti long Madang taun bai helpim wok bilong Madang polis wantaim fiul na mentenens bilong faivpela polis kar em ol bai yusim long wok bilong polis operesin long 2017 Nesenel Ilekseen.

Siaman bilong China-PNG Frensip Asosesin, Chris Chen i tokaut las wik olsem Chinese Asosesin bai helpim ol polis wantaim fiul na sevis mentenens bilong faivpela polis kar long helpim wok bilong gavman insait long taim bilong ileksen operesin.

Chen i tok nesenel ileksen em bikpela samting insait long kantri na wok bilong polis i mas kisim gutpela helpim em i nidim long dispela taim long daunim ol hevi na lukim olsem i gat gutpela lo na oda i stap insait long ileksen kempein taim.

Chen wantaim ol arapela Chinese bisnisman meri i bin stap long woksop bilong em long las wik Trinde long luk-save long ol dispela polis kar we bai kisim ful sevis.

China-PNG Frensip Asosesin i bin kamap long 2007 na i gat ol brens bilong en i stap long ol arapela provins long kantri tu. Dispela asosesin i save helpim wantaim ol komyuniti sevises wok.

Madang Provinsal Polis Komanda, Suprintenden Jacob Singura i tok tenkyu long Chinese asosesin long tok-orait bilong ol long stretim faivpela polis kar.

Get smart. Get fast. Get turbo

Our newest & coolest addition to the Vodafone range.



bmobile | vodafone
The friendlier network

76003555 or 1555
connect@bmobile.com.pg
facebook.com/bmobile.Vodafone
www.bmobile.com.pg/devices



Available at bmobile-vodafone stores & all leading retail outlets.

PORT MORESBY Head Office | Domestic & International Airport | Vision City | Waterfront-Foodworld | Koli Market | LAE Post PNG Building
MT HAGEN Post PNG Compound | GOROKA Bird of Paradise Hotel Suite 17 | MADANG Ela Emporium

Olpela Ofafina helt pos i kirap gen long givim sevis

Loutova Siapea i raitim

OL pipel bilong Ofafina, Okapa distrik long Isten Hailans provins i bin bungim planti kainkain hevi long las 24 yia long long taim ol i raun i go i kam long kisim sevis long ol arapela helt senta, na planti bilong ol em ol mama.

Taim ol mama i wok-abaut i go longpela rot long kisim helt sevis na long karim pikinini na ol arapela helt sevis long ol helt senta na helt pos long Okapa, Lufa, O b u r a / W a n i n a r a Henganofi na Kainantu, planti taim ol dispela mama i save bungim hevi bikos planti taim ol i save karim pikinini long arere bilong ol han rot na long ol bus tu.

Sampela ol mama wantaim nupela bon pikinini bilong ol i save lusim laip bilong ol taim mama i save karim long rot.

Na i no dispela hevi tasol, no gat. Planti taim ol meri tu i save bungim hevi bilong reip o pasin bilong bagarapim ol meri na tu ol raskol o



Ekting Sif Eksekutiv Opisa bilong Isten Hailans Provinsal Helt Atoriti Tony Basse (lephan), Gavana bilong Isten Hailans, Julie Soso (namel) na lokal memba bilong Okapa Distrik, Isaac Waigavara i kamap long opim komyuniti helt pos long Ofafina long Okapa distrik, Isten Hailans.

trabel man i save holim pasim ol wantaim ol man bilong ol na stilim ol mani, mobail fon na ol arapela samting bilong ol.

Dispela pasin i bin kamap long las 24 kris-mas, na sampela gut-pela lain long Ofafina i luksave long dispela ol hevi na kamapim wok gen long kirapim bek komyuniti helt pos long Ofafina.

Na long Tunde Epril 18, 2017, helt pos long Ofafina i kirap na op gen long bringim helt sevis i go long ol lokal pipel bilong Ofafina na ol arapela wanpisin lain tu

long dispela Is Okapa Wod 12 LLG eria na 18 tausen (18,000) lokal pipel bilong Okapa distrik.

Ekting Sif Eksekutiv Opisa bilong Isten Hailans Provinsal Helt Atoriti (EHPHA) Tony Basse husat i bin kamap na go pas long opim helt pos seremoni i tok amamas long ol lokal lidaman na meri bilong Ofafina long kamap wantaim dispela gutpela tingting long kirapim bek helt pos long Ofafina.

“Dispela tingting bilong kirapim bek helt pos long Ofafina em i

gutpela, long wanem, em bai sevim planti laip bilong ol mama na ol pikinini. Na tu ol i no inap bungim ol hevi long han bilong ol trabel man”, Basse i tok.

Em i tok, helt pos em i kirap gen na EHPHA bai i go pas long lukautim dispela helt pos wantaim ol medikel sapsais na ol wokman na meri tu. Gavana bilong Isten Hailans Julie Soso na lokal memba bilong Okapa Isaac Waigavara i bin kamap na lukim dispela opim seremoni bilong dispela komyuniti helt pos long Ofafina.

Kominikesen inap bagarapim Yu

Joyce Huanjo i Raitim

Rot bilong Kominikesen o kisim na salim toktok long intenent olsem pesbuk,whats up,na ol arapla moa, i gutpla tru tasol i gat bikpla bagarap bilong en sapos man i no usim gut.

Pater Brian Nonde husait i Parish Priest bilong St.Steven Katolik sios hia long Lae i mekim dispela tok-tok.

Fr.Nonde i mekim dispela toktok long wanpela bung wei i sut long wok bung or relesensip namel long tisa na suamtin.

Fr.Nonde i tok taim man i ino usim gut rot long kominikate dispela inap bagarapim laif bilong wanpela o narapela.

Wanpela man Fr.Nonde i stori long em olsem, em i bin kilim em yet taim em i luksave olsem piksa nogut em i salim em olgeta poroman bilong en long pes buk i bin lukim pinis.

Fr.Nonde i tok narapela em wanpela meri tasol Pater i luksave hariap long en na ol i halivim em wnataim ol gutpela toktok long em i ken stap isi.

Em i tok fon i kamapim pinis planti hevi na bruk pasin namael long famili na laif blong man.

Em i salensim ol tisa long soim ol yet olsem tisa insait long klasrum na arasite long wanem ol sumatin i save lukluk long ol olgeta taim.

Em i tok wanem samting yu tok-

tok usim fon long kominikate inap tokim arapela long yu yet yu wanem kain man o meri na pasin blong yu.

Fr.Nonde i tok yu mas save gut long yu yet yu husait na wanem wok blong yu bifo yu stat long kominikate.

Em i tok olsem wanpela tisa, ol toktok blong yu long pes buk i mas soim olsem yu wok tisa, long wanem planti ol sumatin i usim pes buk na olgeta taim ol i lukluk long yu.

Sapos yu tisa wokabaut, toktok, dres ap, danis olsem tisa long wanem, kominikesen em wanem samting yumi lukim na harim na yu mas tingim oltaim olsem, ol sumatin i luklukim olgeta samting yu mekim.

Olsem wanpela tisa yu mas oltaim stap olsem wanpela rol model.

Paris Pris bilong St,Steven i tok moa yet tu olsem wanpla tisa inap kamapim ol pes long pes buk na toktok wantaim ol sumatin olgeta taim.

Fr.Nonde i tok em i no sin long stap long pes buk tasol em i sin sapos yu putim ol nogut toktok na piksa.

Dispela toktok bilong Pater Nonde inap stap piksa tu long yumi wanwan long pasin bilong yumi taim yumi kominikate wantaim ol arapela long pesbuk o ol narapela rot bilong kominikate olgeta dei.

Sumatin kisim save long wok bilong YWAM

OL fainel yia sumatin bilong Yuni- vesiti bilong Papua Niugini (UPNG) wanpela taim gen i kisim save long wok bilong Australia medikol sip, MV YWAM.

Ol i kalap wantaim ol wok man-

meri bilong sip na raun long lukim na givim marasin long ol sik manmeri long Westen provins.

Ol i kisim tupela wik long mekim wok.

Ol sumatin i wok wantaim ol wok

manmeri bilong sip bihainim pat- nasip tok orait namel long yunivesiti na sip.

Eksekutiv program menesa, Dokta Sarah Dunn bilong YWAM i amamas long laik ol sumatin i soim.

“Dispela em wanpela tingting ol marasin sip bilong YWAM i laik mekim long divelopim na givim gutpela skul long ol yangpela bilong Papua Niugini,” Dunn i tok.

Bihain long wok ol sumatin i ama-

mas na i tok tenkyu long sip long ol lainim planti samting long dispela wokabaut bilong ol.

Ol sumatin bai joinim 100 voluntia long kantri long mekim kain wok.

INTERNATIONAL TRAINING INSTITUTE

ITi is Accredited by Department of Higher Education, Research Science & Technology as a Higher Education Provider

Entry Requirements for Certificate & Diploma Courses

CERTIFICATE COURSES

- Successful Completion of Grade 10 with PASSES in English & Mathematics

DIPLOMA COURSES

- Successful Completion of Grade 12 with C or Above in English & Mathematics from recognized schools including Matriculation Centres
- Successful completion of Certificate Course from ITI & recognized School or Institutions

For Enquires contact our Marketing Team

ITI POM CAMPUS
Strachley Road, Badili
P.O. Box 6122, BOROKO
National Capital District
Telephone: 320 2800 Fax: 320 0513
Mobile: 7685 0523 / 7297 5233
Email: enquires@iti.ac.pg

ITILAE CAMPUS
Corner Frijate & Batham St, Vico Point
P.O. Box 618, LAE
Morobe Province
Telephone: 472 2790 Fax: 472 0199
Mobile: 7342 8032
Email: enquires.lae@iti.ac.pg

ATTENTION!

WORKING CLASS

CERTIFICATE COURSES

- ✓ Certificate in Accounting
- ✓ Certificate in Computing
- ✓ Certificate in Business
- ✓ Certificate in Sales
- ✓ Certificate in Human Resource Management

DIPLOMA & ADVANCE COURSES

- ▶ Diploma in Accounting
- ▶ Diploma in Management
- ▶ Diploma in Computing
- ▶ Diploma in Human Resource Management
- ▶ Diploma in Information Technology
- ▶ Advanced Diploma in Accounting

APPLICATION IS OPEN FOR JUNE INTAKE

Follow us on Facebook Website: www.iti.ac.pg

We also Offer EVENING CLASS

DROP OFF TRANSPORT PROVIDED FOR EVENING CLASSES AT AFFORDABLE FEE

Orientation on 18th May 2017

“Investing in Quality & Affordable Education for your Future.”

EU opim K6 milien projek long Madang Tisa Koles

James G. Kila i raitim

WANPELA praimer tisa ikoles, Madang Tisa Koles long las wiken i bin lukim opim tupela bikpela infrastaksa projek we Yuropien Yunien (EU) I sapotim wantaim K6 milien.

Embese na Yuropien Yunien Het ov Delegesin, Ioannis Giokarakis - Argypoulous i bin go long

Madang Tisa Koles long opim na givim tupela nupela bilding i go long institusen.

Tupela bilding we EU i givim mani helpim em wanpela 84 rum domitori o ples-slip bilong ol sumatin meri, na wanpela dabol stori bilding wantaim sikspela klasrum.

Insait long dispela bikpela helpim EU i givim em K5.5 milien i bin go

long konstraksen o wokim kamap bilong tupela nupela bilding long Madang Tisa Koles, na K500,000 i bin go long wanpela stadi skolasip bilong ol sumatin.

Seketeri bilong Plening na Monitoring, Hakawa Harry husat i bin stap long dispela seremoni i givim bikpela tok tenkyu na amamas makim PNG gavman na pipel long EU long dispela bikpela

helpim ol i givim aninit long wok patnasip.

Ol bod ov gavanoas na menesmen bilong MTC na tu ol lain makim Madang provinsal gavman i amamas tru long dispela helpim we bai go longwe long strongim edukesen sekta na tu developmen bilong ol pikinini insait long praimer level long PNG.

Tupela narapela praimer tisa koles long

PNG i bin kisim wankain helpim long EU em Balob Tisa Koles long Lae, Morobe provins na Gaulim Tisa Koles long Is Nu Briten provins.

Balob Tisa Koles em wanpela edukesen institusen we i kamap aninit long Evangelikal Lutheran Sios bilong PNG (ELC-PNG) na Gaulim Tisa Koles em stap long lukaut bilong Yunaited Sios bilong PNG na Solomon Ailans.

Australia-Pacific Teknikal Koles kamapim ol saveman

AUSTRALIA-Pasifik Teknikal Koles (APTC) i givim luksave long 130 sumatin bilong Papua Niugini husat i pinisim trening bilong ol long dispela mun.

Ol dispela lain sumatin i kisim luksave long Australia kwalifikesen bilong 12-pela kain kain program long namba wan greduesen bilong APTC long dispela yia.

Ol dispela greduet i pinisim kos long bisnis, kapenta, mekenik na turisem na nau ol bai lukluk long go moa long ol wok bilong ol.

Hai Komisina bilong Australia, Bruce Davis i tok, "Yupela i ken amamas long wanem samting yupela i mekim pinis na long wanem samting bai yupela i mekim long bihain taim bilong yupela. Yupela bai lusim APTC wantaim save bilong mekim ikononi bilong kantri bilong yupela i go strong." Em i tok.

Mista Davis i tokaut long kontribusen bilong APTC long Papua Niugini wantaim wok patnasip bilong en.

"Tude, Australia na Papua Niugini i putim moa tingting long kamapim strong ikononi na treid wok bung, gutpela wokbung bilong politik, rijonal wokbung, na ol institusen i wok wantiam na tu ol pipel i wok bung wantaim ol narapela lain," Mista Davis i tok.

I gat samting olsem 2,300 Papua Niugini i gredeut pinis long APTC stat long 2007 i kam. Insait long dispela namba 600 em ol meri we 27 i bin stap insait long dispela lain i greduet long dispela mun.

APTC i gat ol kain kain vokesenel kos long Turisem na Hospitaliti, Komyuniti Sevis na Helt, Treid na Teknoloji, Lidasip na Menesmen na Trening na Asesmen. Ol i gat skul kempas long Fiji, Samoa, Vanuatu, Papua Niugini na Solomon Islands.

IBS Yunivesiti gat nupela asosiesen bilong ol akaunten



Milfred Lopez, Senia Leksera bilong Skul bulong Akaunting na Fainens lida na ol lain i holim opis bilong SAFSA long taim ol i wokim tok promis.

INSTITUT bilong Bisnis Stadi (IBS) Yunivesiti i lukim gen narapela senis long histori bilong em long las wik long Mt Eriama Kempas taim ol i statim wanpela asosiesen bilong ol akaunting na fainens sumatin, (SAFSA).

Em i wanpela taim bilong senis i wankain olsem long taim ol i bin statim IBS skul sampela yia go pinis.

Faunda bilong IBS, Sir Mick Nades husat em yet i wanpela profesenel Akaunten, i bringim laip long dispela Instititut bilong

Bisnis Stadi taim em i luksave long nid bilong gat moa akaunten wantaim gutpela trening na edukesen long Papua Niugini.

Long dispela de Vais Sansela, Edward Silva IBSUniversiti i tok em i save laikim wok akaunten save em i kisim insait long ol yia em i wok olsem akaunten i helpim em long stiaim ol yangpela lida man na meri long kamapim dispela sosiesen.

Mista Silva i toktok long histori bilnog Akaunting na i givim tok stia long ol sumatin

long ol i mas mekim gut stadi bilong ol long helpim ol yet na kantri.

"Yupela i gat wok long mekim gutpela wok bilong kantri na long kamapim nem bilong yupela long intenesel komyuniti," Mista Silva i tok.

"Stretim yupela yet pastaim, wantaim ol gutpela pasin na tingting na yupela bai kamap ol gutpela akaunten bilong kantri bilong yupela," em i tok.

Olgeta sumatin i harim toktok bilong Vais Salensela na ol i

luksave long tripela namba wan veliu long ol olsem akaunten i mas gat em; Integriti, Disiplin na Honesti.

Asosiesen nau i lukluk long holim ol nupela kain wok bilong skul long ol wok salens bilong em long kamap wanpela namba wan ogenaiesen long Papua Niugini.

SAFSA bai gat wanpela komiti grup aninit long lidasip bilong Amy Paskalis olsem Presiden.

Ol fekaliti i givim stia long ol Skul bilong Akaunting na Fainens na menesmen bilong IBSUniversiti.



Glasim Wokabout
wantaim
Rosa Koian

Yumi inap Senisim Tingting Bilong Hangamap

PLANTI yia i go pinis insait long Is Sepik Provins sampela gutpela samting i bin kamap long egrikalsa.

Long dispela taim Egrikalsa skul long Baiyik i bin mekim gut tru long wok bung wantaim ol fama long ples.

Mi tingim ol sumatin i save kam stori olsem ol i save kaikai rais bilong Baiyik o Ajirab na abus i kam long ol karabau long Urimo. Long dispela taim ol Sepik i bin i gat planti sans tru long groim rais na saplaim long olgeta hap bilong provins na long kantri tu, tasol no gat sampela giaman pasin i kamap na dispela ol gutpela tingting i dai nating tasol.

Planti toktok i flai olsem graun bilong Papua Niugini i no gutpela long groim rais olsem na tude gavman bilong yumi i save tromoi traipela mani tru long baim rais bilong ol arapela kantri.

Bilong wanem tru na yumi ol pipel i harim kain ol giaman toktok nan au yumi hangamap tru long rais bilong ol arapela kantri?

Skelim long haus bilong yu tude, hamas mani yu save tromoi long baim rais tasol? Hamas 10kg rais bek yu save karim i go long haus?

Na abus, olsem wanem yumi hangamap long tinpis, lemfleps na kakaruk bilong ol arapela kantri? Ating yumi no inap tru long groim abus bilong yumi yet?

Olgeta taim yumi baim rais bek na tinpis dispela mani i no save stap long Papua Niugini. Nogat. Dispela ol mani i save go long ol kampani bilong rais na tinpis long ol arapela kantri.

Yumi toktok planti long senisim pasin bilong yumi olsem wanpela kantri. Wanem taim bai yumi ol pipel i stat senisim ol pasin bilong yumi long baim rais na tinpis na stat baim ol kaikai we Papua Niugini fama i groim. Wanem taim bai yumi stat groim ikononi bilong yumi Papua Niugini.

Yumi ol kastoma i gat pawa long senisim dispela pasin bilong hangamap long rais bilong arapela kantri na stat groim rais bilong yumi yet. Wankain olsem Kaukau, taim em i kam long kantri bilong yumi moa long tri tausen yia i go pinis, ol tumbuna i bin kisim na lukautim gut na yusim long kaikai na nau Kaukau em i stap wanpela namba wan kaikai bilong yumi.

Ol fama tu i gat pawa long senis dispela pasin sapos ol i go het na planim ol rais na saplaim insait long ol ples tasol.

Sapos rais i bin gro gut tru long Sipik na long Finsafen, olsem wanem na yumi lusim?

I tru rais em i no kalsa bilong yumi tasol sapos yumi traime yumi ken senisim pasin bilong hangamap long rais na yumi bai nogat moa wari long bikpela hangre sapos taim nogut i bungim yumi.

Tingim. I no gat asua long graun bilong yumi. Yumi pipel bilong graun na yumi inap senis dispela ol tingting bilong ausait man.

10,000 sekyuriti opisa bai was long ileksen

Paul Zuvani i raitim

INAP long 10,000 sekyuriti opisa bai was long Jun-Julai Nesenel Ilekseen, Polis Komisina Gari Baki i tok.

Dispela bai kisim ol opisa bilong polis, ami na ko-reksinel sevis.

Baki i tok sampela long dispela ol opisa i stat pinis long Mas i kam na moa ol opisa Ilekoral Komisina i kisim moa long mekim wok bilong ol.

Em i tok ful namba bilong ol opisa bai mekim wok long Jun na Julai long taim bilong vot na kaunim ol vot.

Em i tok wan wan ol rijonal komanda i kisim tok orait long lukim olsem ileksen i kamap gut long provins bilong ol.

“Wok nau i go bek long ol manmeri. Mipela i no laik long lukim ol ileksen i no kamap gut olsem pastaim i bin kamap,” Baki i tok.

“Sapos ol manmeri i mekim wok stret, bai no gat hevi long lo na oda na ileksen bai kamap gut.”

Em i tok Hailans rijon tasol i save givim planti hevi na moa opisa bilong em bai i go long was long ileksen long hap.

Ol i brukim Hailans rijon, isten na westen hap. Isten hap i gat Isten Hailans, Simbu, Westen na Jiwaka na westen i gat Sauten Hailans, Hela na Enga.

Em i tok polis i save wanem hap i save givim hevi long sekyuriti na olsem ol bai putim bikipela was long dispela ol hap.

Em i tok long lukim ileksen i kamap gut, kamap bilong gan sarena ekseis long Hela i gutpela.

Em i tenkyu long gavman long mekim dispela disisen.

Em i tok lo bilong salim ol bia i helpim long daunim hevi bilong sekyuriti.

Arere long dispela Ilekoral Komisina Patilias Gamato i tok ileksen i stat pinis long 20 Epril long taim bilong sainim bilong rits na nau Komisina i givim pinis namba arere long nem bilong kendidet.

Em i tok kendidet i ken yusim dispela ol nem wantaim pati polisi bilong ol long kempen.

Em i tok ol kendidet i mas bihainim lo bilong kempen.

Sampela ol lo em: Long kempen Ilekoral

Komisen i putim lo long ol kendidet i mas bihainim.

Sampela lo em:

- Ol kendidet i mas bihainim lo bilong kantri, bilong PNGEC na bilong Ogenik Lo bilong Politikal Pati na Kendidet (OLLIPAC) bipo na bihain taim bilong ileksen;

- I no ken givim presen, mani o ol arapea samting long grisim ol manmeri long votim ol;

- Ol i no ken sanapim ol haus bilong kempen long ol komyuniti;

- Ol kendidet i no ken yusim ol samting bilong gavman olsem kar, mani, pepa o ol arapela samting bilong wok;

- Ol i mas rispektim rait bilong ol arapela kendidet; na

- Ol i no ken daunim narapela kendidet bikos long wok bilong em.

Kempen bai pinis long 23 Jun na vot bai stat long 24 Jun na pinis long 8 Julai na rit bai go bek long Gavman Haus long Julai 24.

Program bilong redi long rekonsiliesen i gohet long Bogenvil



Siaman bilong Selau/Suir DPSC i sainim Grent Agrimen na tim lida Martin Syder wantaim Heather Murphy bilong Australia Hai Komisn i witnes. *Poto Thecla Solas*

SEKETERI bilong Bogenvil Pis Agrimen na Implementesen i tokaut olsem Atonomas Bogenvil Gavman i makim Desemba 31, 2018 olsem de bilong pinisim ol wok bilong Bogenvil i stretim ol hevi i bin kamap bipo na ol pipel i ken bung wantaim.

Em i mekim dispela tok-tok long taim bilng Grent Saining Seremoni bilong ol 13 Distrik Pis Sekyuriti Komiti (DPSC) long Arawa long Me 5. Wan wan distrik

bai kisim K20,000 long foapela hap long mekim ol wok ol i plen long kamapim. DPSC i em wanpela komiti Bogenvil Eksektiv Kaunsil (BEC) i bin kirapim long bungim ol infomesen long ol hevi i bin kamap long taim bilong krais, mediesen na las wok bilong ol grup i bung na tok sori long ol hevi i bin kamap long taim bilong Bogenvil krais long ol distrik bilong ol. I bin gat 52 pipel i kamap long dispela foapela de

trening em lain bilong Bogenvil Pis Biding tim bilong Bogenvil program, Dipatman ov Foren Afeas bilong Australia i go pas long en.

Heather Murphy bilong Australia Hai Komisn i bin stap long witnesim Grent Saining Seremoni long taim wan wan distrik i sainim agrimen bilong ol.

Em i tok mani bilong ol 13 DPSC bai inap long mak bilong K2.6 milien. Em i tok dispela i soim tu komitmen bilong Australia i go long Bogenvil Pis Proses.

PNG POWER Ltd PABLIK NOTIS

2017 NATIONAL GENERAL ELECTIONS REGIONAL SEAT VOTE FOR CHANGE

STOP BAI I GAT MEKIM SAVE BIHAINIM ILEKTRISITI INDASTRI EKT.

“EM I NO SEIF LONG HANGAMAPIM OL BENA NA POSTA BILONG YU ANTAP LONG PAWA POS”

PNG PAWA I LAIK TOK SAVE LONG OL KENDIDET INSAIT LONG NESENEL ILEKSEN WANTAIM OL SAPOT BILONG OL OLSEM EM I NO SEIF LONG HANGAMAPIM OL BENA NA POSTA BILONG YU ANTAP LONG PAWA POS BIKOS YU BAI PUTIM YU YET LONG BIRUA BILONG PAWA NA IKEN KISIM YU NA BAI YU DAI.

GOAP LONG PAWA POS EM I WOK BILONG OL LAIN I GAT LAISENS BILONG PNG PAWA WOKMAN TASOL. MOA LONG DISPELA, PNG PAWA BAI I NO INAP LONG KISIM HEVI BILONG OL BIRUA WE BAI KAMAP SAPOS YU NO HARIM TOK BILONG DISPELA NOTIS NA BIHAINIM. PNG PAWA BAI GIVIM MEKIM SAVE BIHAINIM LO BILONG ILEKTRISITI INDASTRI EKT.

Mekim na Save

Meri Nius

Sapta 2 ...moa yet long hap 1 (KON) Kaikai bilong givim strong

KON (MAIS)

MEKIM WANEM LONG DRAI KON

1. Brukim na givim long pik na kakaruk.

Sapos yu no brukim na givim, em tu i orait, tasol bai bel bilong pik na kakaruk i no inap kisim olgeta kaikai bilong en.

2. Brukim i go liklik tru na i kamap plaua, na kukim long man i kaikai.

I gat kain kain pasin bilong kukim dispela kain plaua kon. Mipela i laik soim tupela olsem:

Poris kon

Kisim 1-pela kap plaua kon na kapsaitim i go long sospen, na kapsaitim 4-pela wara i go antap long en na tanim. Larim i stap inap plaua kon i solap. Bihain putim liklik sol na kukim long paia. Kukim i go tan.

Sapos yu laik wokim narakain liklik, orait, brukim pinat i go liklik na miksim wantaim dispela plaua kon.

Narakain liklik gen em i olsem: Maski wara, kisim susu.

Yu ken kaikai dispela poris kon taim em i hatpela yet. Narapela rot bilong en i olsem: Larim poris kon i go kol. Em bai i kamap srong. Kapsaitim i go antap long wanpela plet. Nau kisim naip na katim. Putim liklik gris, na kaikai. Em i swit, winim bret.

Bret kon

Kisim samting olsem:

- 2-pela kap plaua kon,
- 1-pela kap plaua wit,
- 1-pela kiau kakaruk,
- 1-pela tispun sol,
- 1-pela tispun bekpaura,
- Wara bilong wanpela pait muli,
- Liklik gris o bata,
- Liklik susu.

Bungim olgeta dispela samting long wanpela plet na miksim gut. Holim long han na tanim na memem na miksim.

Miksim pinis, orait, putim long tin bilong kukim bret, na kukim insait long stov. Sapos yu no gat plaua wit, orait, kisim 3-pela kap plaua kon na 3-pela kiau kakaruk. Yu ken wokim ol liklik skon tu na kukim long praipan.



I gat ol gutpela lida i stap long lista bilong ol kendidet

WANPELA gutpela mak bilong 2017 nesanel ileksen em namba bilong ol meri husat i putim nem pinis long resis. Iektoral Komisin i tok 165 meri kendidet bai resis long dispela bikpela ileksen. Planti bilong ol dispela meri i winim bikpela skul na i holim bikpela wok long gavman, praivet kampani o ol i bisniseri.

Dispela bikpela namba i soim olsem moa meri i kamap ples klia na tokaut olsem ol tu i gat laik long resis long ol rijonal na open sit bilong palamen.

Dispela bikpela namba tu i soim olsem moa man tu i wok long givim sapot bilong ol long ol meri husat i laik resis long palamen. Longpela taim tru ol man tasol i wok long resis na namba bilong ol meri i liklik tru.

Tasol taim i senis nau na moa meri tu i laik traim na lukim sapos ol inap long winim mak.

Ol meri kendidet wantaim ol arapela nupela kendidet bai i bungim bikpela salens tru long taim bilong kempen na long taim long makim vot.

Hia long PNG planti grup i save pasim tok na vot long ol kendidet. Ol i no kaunim polisi bilong kendidet o pati bilong em o sapos em i gutpela man o meri.

Ol i givim vot tasol bikos lida bilong grup i tokim ol long vot olsem. Long taim dispela kain pasin bilong vot i stap strong yet long ol komyuni bilong yumi, bai i



no gat senis i kamap long wanem kain lida yumi makim i go long palamen.

I gat ol kros toktok i kamap nau bikos sampela kendidet husat i bin gat kot o i bin kalabus o i bin raus

long wok bikos long korapsen o bikos ol i brukim lo, i bin nominet na nau bai resis long ileksen.

Planti ol meri i resis long ileksen bikos ol i les long lukim ol sevis bilong gavman i stap long ol bikpela

siti olsem Mosbi tasol na ol lain bilong ol ples longwe i wok long kisim taim yet.

Sampela i tok ol i les long pasin bilong korapsen i bagarapim kantri olsem na ol i laik kamap

memba na rausim dispela pasin nogut.

Wan wan lida na kendidet i gat tingting bilong em yet long tokaut long ol pipel. Ol i luksave olsem ol pipeli laik lukim senis i kamap na soim ples klia olsem gavman i sevim ol pipel bilong olgeta kona bilong kantri.

Ol dispela ilektoret husat i bin gat memba i stap long Oposisen long palamen i bin kisim taim bikos i no gat ol senis i kamap long ilektoret bilong ol.

Ol memba i sapotim gavman i amamas bikos ol i bin kisim gut tru mani bilong mekim ol wok long ilektoret bilong ol. Tasol sapos wok i no kamap, orait em i asua bilong ol pablik sevan long wan wan distrik.

Planti bilong ol i no save long pasin bilong kisim dispela mani na skelim i go kam long ol wok insait long distrik olsem na no gat senis i kamap.

Dispela em sampela samting ol pipel i ken skelim na givim vot 1, 2, na 3 i go long kendidet em ol i ting bai inap long helpim ilektoret bilong ol.

Dispela nupela pasin bilong vot bai i soim tru husat kendidet i kisim bikpela sapot bilong pipel long wan wan ilektoret.

Ol meri na ol nupela kendidet bai i gat sans long kisim vot bilong ol pipel long dispela rot. Olsem na mobeta ol i no ken westim taim nau long tok stret na tok klia long ol pipel i sapotim ol.

Atoriti mas tingim olgeta kain manmeri

OLGETA yia bikpela siti bilong yumi Pot Mosbi i wok long senis planti na lukim kamap bilong planti ol nupela samting olsem ol haus, rot, bisnis, haus sik na skul.

Long sait bilong rot yumi lukim ol ovahet bris (overhead bridge) long Koki, Hohola na Waigani klostu long Vision Senta.

Dispela em ol gutpela senis. Ol i kamap long daunim hevi bilong ol manmeri i no ken bungim hevi bilong kar i bamim ol.

Planti manmeri bai kisim helpim long kain bris olsem.

Tasol i no longtaim i go pinis sampela manmeri i tok i gutpela Nesanel Kapitel Distrik Komisen (NCDC) i kamapim kain bris olsem em i no tingim wanpela hap lain bilong komyuniti.

Dispela lain em ol lain manmeri husat i no gat gutpela lek, lapun, aipas o wokabout krungut (manmeri husat gat



disabiliti long bodi). Dispela ol lain i laik yusim ol bris long abrusim ol kar tasol ol bris i no stap long mak we inap long ol i ken yusim o go antap na go daun long dispela bris.

Ol i tok ol tu i memba bilong komyuniti na ol i save vot long taim bilong ileksen, baim Gavman takis na mekim wok insait long komyuniti tasol ol atoriti i no save givim gutpela luksave taim ol i wokim samting.

Wanpela bilong dispela ol samting ol lain husat i gat dis-



abiliti long bodi i tok em ovahet bris.

Ol i askim sapos NCDC inap long kamapim o wokim ol bris we ol tu bai inap long kalapim ol rot taim ol i yusim ol bris.

Wok nau i stap long han bilong NCDC long i disainim ol

bris we ol lain manmeri husat i no gat gutpela lek han i ken yusim tu.

Dispela em long ol bris tasol i gat ol narapela sevis gavman i save givim long ol manmeri we dispela ol lain manmeri long komyuniti bilong yumi i singaut long em.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantokniuspepa.com

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Frieda Sila Kana

Printed and Published at:
Dove Travel Building,
Level 2, Section 24, Lot
25, Angau Drive/ Lahara
Avenue Junction, Boroko

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Winim Mambu Wokim Tais

STORI BILONG TUMBUNA

Bipo tru ol tumbuna long hap bilong Torembe namba wan insait long Ambunti Sab Distrik long Is Sepik Provins, i gat wanpela Haus Tambaran nem bilong em ol i save kolim Sai. Sai em i wanpela haus tambaran we ol man bipo bipo save katim skin bilong ol yangpela mangi.

Wanpela taim ol i bilasim dispela haus tambaran nogut tru na dispela taim olgeta manmeri long ples Torembe ol i go daun long raunwara long hap long Korogo long painim sampela pis. Na i no gat man o meri long ples na ol i lusim tripela man tasol, wanpela long tupela em i mauspas i no save toktok.

Tupela man i go antap long dispela Haus Tambaran long mekim save winim mambu i stap. Na tarangu mauspas i sindaun aninit long dispela Haus Tambaran, nau klaut i pairap na bikpela win ren i kam, tasol tupela man ya mekim save

winim mambu i stap.

Na wara i stat long kamap long ol hul bilong pos bilong Haus Tambaran. Na tarangu mauspas man ya ran i go antap na mekim toktok long tupela long han tasol, na tokim tupela olsem wara i kamap nau long as bilong olgeta pos long Haus Tambaran.

Tasol tupela i no bilip long toktok bilong tarangu man ya tupela mekim save winim mambu i stap. Wara i kamap bikpela moa man ya tarangu ran i go antap tokim tupela tasol tupela i no harim tok bilong mauspas man.

Nau wara i kamap bikpela moa na daunim Haus Tambaran na tripela man na kisim i go ausait long wanpela ples tais. Nau dispela hap ol i kolim Selepankraku.

Sapos yu go long Torembe namba wan na askim long dispela hap bai ol i soim yu. Na sapos yu go long dispela hap Selepankraku long nait taim, bai yu harim tupela

man yan winim mambu long dispela hap, na dispela hap em i gat ples tais.


Yu no inap i go klostu. Sapos yu go klostu, bai dispela Haus Tambaran i dau-

nim yu. Ol man i save long dispela hap tasol ol i save i go i kam nau taim, na dispela hap em i stap namel long Yamok viles na Torembe namba wan.




Em nau! Ol pikinini i ken painim rot i go long ples wantaim Wantok lain...

Stat hia




Pinis

Stat hia



Pinis

Ansa bilong Wod Pilai isu 2224



PAINIM WOD PILAI

Ol wod lista:

- JASIM
- POGIVIM
- LUKAUT
- KANDAIM
- WETIM

- AITAN
- BARIT
- FAIL
- BIKMAUNTEN
- AUPA
- FAIV
- HAUMAS

- KARUKA
- LINDAUN
- OKTOBA
- BALBAL
- NIUSPEPA
- OLAPUKPUK
- PESTODE

- NOGAT
- ODA
- BUTOMA
- ASUA
- NUYIA
- OLGETA
- AUSTRALIA

I R N N E E H E R F N I E D A K C R U S J E P L C
 S L I W S Y D B M S O Y O K X A B G P E S T O D E
 E P A O Q E F N Q Z X S I C O N L N F K N L G M C
 Q H E D I I Y A A H T O O R K D S E C E O G I P M
 S Q A L E Y O D T Y K A R U K A N L P P L L V N S
 L I L A E A K S H L L S Q O M I H I N F G N I E P
 E O C W L A S Y J I E A E U L M T N N N E D M I E
 H B J I I E N A A I R E A V O A X D F T T S N U T
 E W D G G E O F O S O H J K I L P A N A A F A F F
 S C I Y M W A B T I L O E F H T T U E M I P F C E
 I M Z A Z D O A L U K A U T T V A N K S E A N R I
 V O S Q O U E I F E T K E O I M A U R P K I O R L
 I K R G H N W E T I M F A A K B G R S C U R O D E
 L T Y R E F T I R J S P F I T I Q U F T X K Z C O
 M N S J T E A A O A E A B E G T I A G G R M L N K
 W R N C H S B Q D I J I U W A N J A S I M A L U T
 Z B H B N E I C F D M T T G S R T X Z R B E L Y O
 Y O A G M E A U P A R A O S U L R P U L N S T I B
 N T R E T E W M C N L N M G A J I T A E A S O A A
 E O G L O X A B W E E D A I T C F B U E O R P F R



WOL NIUS

Boko Haram i larim ol 82 Chibok skul meri i go fri



Sampela bilong ol dispela skul meri i kalap long helikopta.

OL lain bilong Islamik grup Boko Haram, i larim 82 skul meri bilong Chibok i go fri bihain long ol i bin holim kalabusim ol inap long tripela yia. Ol i bin kisim ol dispela skul meri long domitori bilong ol long Epril 2014 long Chibok long hap bilong kantri Naijaria long Afrika.

Boko Haram i bin askim gavman long larim ol faivpela lida bilong ol i go fri na ol bai lusim ol dispela 82 skul meri.

Mustapha Zanna, wanpela loya bipo bilong man husat i kirapim Boko haram, Mohammed Yusuf, i bin go pas long ol toktok wantaim Boko Haram long kisim bek ol dispela skul meri. Gavman bilong Swiselan na ol Red Cross tu i bin stap insait long ol dispela toktok.

Ol dispela skul meri i fri nau tasol i gat wari tu long planti tausen arapela man, meri na ol pikinini em ol lain bilong Boko Haram i kolim kalabusim ol i stap yet.

Ol Red Cross kar i kisim ol dispela meri na ol i givim ol singlis bilong Red Cross long werim. Ol helikopta bilong

ami i kisim ol i go long Abuja long bungim Presiden Muhammadu Buhari.

Buhari i gat sik na em i no kamap long ai bilong plablik nap sampela wik nau. Em i lukim ol dispela 82 skul meri na bihain em i go long London we ol dokta bai lukim sik bilong em.

Ol i no save wanem samt-ing bai kamap long ol dispela 82 meri nau. Las yia, Boko Haram i bin larim 21 meri i go fri na ol tu i stap yet long Abuja na famili bilong ol i stap long Chibok samt-ing olsem 500 mail longwe long Abuja.

Moa long 100 ol skul meri

bilong Chibok husat i gat 20 krismas nau i stap yet long han bilong Boko Haram. I gat tu ol arapela man na meri wantaim ol pikinini. Planti taim ol Boko Haram i save fosim ol long karim ol bom i go pairap namel long ol bisi ples na kilim ol yet wantaim ol arapela manmeri.

Ol dispela 82 yangpela meri Boko Haram i lusim ol i go fri long Sande em sampela bilong ol 276 Kristen skul meri ol i bin kalabusim long Epril 2014.

Ol Boko Haram i bin larim 21 i go fri las yia tasol i no gat ripot long narapela 113 meri husat i lus yet.

Moa pipel i dai long ol protes long Venezuela



Ol pipel i rausim stetu bilong Hugo Chávez long ol protes long Venezuela.

INAP wan mun ol protes i wok long kamap long ol strit bilong Venezuela na 37 pipel i dai pinis.

Wanpela bilong ol dispela protesta husat i dai em Hecder Lugo husat i gat 20 krismas. Em i dai bihain long ol sekyuriti fos bilong gavman i sutim em long het.

Ol pipel bilong Venezuela i wok long protes egensim Soselis Presiden Nicolás Maduro, long begin bilong mun Epril.

Ol ripot i tok 717 pipel i kisim bagarap na 152 i stap yet long kalabus bihain long ol polis i arestim planti pipel long kantri.

Ol trabel i kamap inap wan wik olgeta long Valencia, wanpela bisi indastriel taun tupela aua longwe long

kapitel siti. Sampela yangpela man i bin bagarapim stetu bilong olpela presiden, Hugo Chávez long Zula.

Video piksa ol i kisim i soim ol yut i pulim stetu bilong Chávez i go daun na ol pipel i amamas na singaut. Bihain ol i brukim long rot na ol pablik i tok nogut long en. Chavez i bin dai long sik kensa long 2013.

“Ol studen i brukim stetu bilong Chávez. Ol i sutim tok long em long bagarapim sindaun bilong ol,” Oposisen loya Carlos Valero i tok.

Oposisen long Venezuela i wok long kisim bikpela sapot bilong ol pipel nau bihain long ol i bin stap nating aninit long Soselis pati gavman bilong Chávez long

taim em i winim ileksen long 1998. Oposisen i tok man husat i kisim ples bilong em, Maduro, i kamap wanpela dikteta na em i bagarapim ikonomi bilong kantri.

Ol lida bilong Oposisen i tok bai ol i protes inap sampela senis i kamap. Ol meri long olgeta hap bilong kantri bai mekim bikpela protes mas long dispela wik Sarere. Bikpela mas tru bai kamap long Caracas, biktaun bilong Venezuela.

Oposisen lida, Henrique Capriles, i tok olsem ol i bin arestim 85 memba bilong militeri husat i wok long bagarapim ol oposisen. Em i tok famili bilong ol i bin askim em long mekim dispela pablik tok save.

Saiklon i lusim Vanuatu

Sam Seke i raitim

BIKPELA toklukaut bilong kategori 3 saiklon Donna i go long ol pipel bilong Torba provins na tu long ol provins bilong Sanma, Penama, Malampa na Shefa long Vanuatu i wok long go daun nau.

Operesens Manesa bilong Nesenel Disasta Manesmen Opis, Peter Korisa i tok ol i

bin statim ol wok bilong redi long ol bagarap dispela saiklon bai kamapim long kantri. Em i tok ol dispela wok em i bilong salim ol tok save na toklukaut na redi ol imejensi sevis.

Na long Sola Viles, bikpela taun bilong ailan bilong Vanua Lava long Torba Provins, we i stap klostu long Temotu Provins bilong Solomon Ailan, dispela saik-

lon i bin bagarapim sampela haus morata long Sola na long sampela arapela ples long ailan.

Robert Issacarh, husat i papa bilong sampela bilong ol dispela haus morata long Sola i tok saiklon i bin bagarapim wanpela haus bilong em long Sola, na em i muvim sampela turis bilong em i go long wanpela pema-nen haus i stap longwe.

Saiklon Donna i bagarapim wara na ol gaden long Torba

Catherine Graue i raitim

OL nupela ripoti tok i gat wari olsem ol pipel bilong Toraba provins bai sot long kaikai na wara bihain long saiklon Donna i bin bagarapim ol gaden na wara.

Ol ripot i tok olsem ol wara saplai long bikpela viles bilong Sola, long Vanua Lava i bagarap tu o em i stop.

Torba provins i gat samt-ing olsem 9000 pipel na i luk olsem planti bilong ol i kisim taim long dispela saiklon.

Father Luc Dini, siaman bilong Torba Turis Kaunsil i tokim Catherine Graue bilong Pacific Beat olsem bikpela viles bilong Sola i kisim sampela hevi na bai ol hevi go het long dispela ples long sampela mun i kam.

Ol Blu bot kepten i kra i long Solomon Ailan kot

Sam Seke i raitim

OL kepten bilong tripela blupela bot bilong Vietnam husat i brukim lo long go insait na painim pis long solwara bilong Solomon Ailan, i bin kra i long taim ol i kamap long kot long ai bilong Sief Mejistret John Numapo long dispela wik.

Niusmeri bilong SIBC,

Kikiva Tuni i tok, wanpela bilong ol i bin tokim kot olsem olgeta i sori bikos ol i no save olsem ol i bin kam insait long solwara bilong Solomon Ailan na painim pis.

Mista Numapo i tokim olgeta long tok olsem long jas long taim ol i kamap long hai kot long neks wik Tunde.

Mak bilong mani wan wan

bilong ol i mas baim long brukim lo na painim pis insait long Solomon Ailan em i winim mak we Mejistret Kot i ken harim olsem na ol i mas go long Hai Kot.

Kikiva i tok Sief Mejistret i askim tu sapos ol i laikim wanpela loya long helpim ol, tasol ol i tok ol i no gat mani long baim loya.

PNG WNB ileksen bel kol mani

Carol ine Tiriman i raitim

OL pipel bilong Bali Vitu na Bulu viles long Wes Nu Briten provins i bin wokim wanpela bel kol seremoni bilong daunim kros bihain long dai bilong tripela pipel long wanpela ileksen pait long wik i go pinis.

Tripela pipel bilong Bulu viles i bin dai long han bilong ol pipel bilong Bali Vitu bihain long wanpela kros namel long ol sapota bilong ol kendidet husat bai sanap long 2017 ileksen.

Ol pipel bilong Bulu i bin askim olsem ol pipel bilong Bali Vitu i mas baim

K150,000 kompensesen long dispela tripela man i dai, na ol i bin kisim K15,000 tasol.

Ol i kisim K15,000 tasol-bikos mak bilong kompensesen mani em Wes Nu Briten Gud Oda Komiti i bin putim em K5,000 tasol na mani em ol Bulu pipel i laikim i bikpela tumas.

Foapela Bogenvil meri resis long nesenel ileksen

Caroline Tiriman i raitim

FOAPELA meri bilong Atonomas rijon bilong Bogenvil bai joinim ol narapela meri long kantri long resis long 2017 nesenel ileksen.

Tupela meri bai resis long ol open sit long Not Bogenvil, wanpela long Sentral

Bogenvil na narapela long Saut Bogenvil.

Sampela pipel i ting olsem planti meri i laik resis long ileksen long helpim long kamapim ol gutpela senis, na tu long daunim bikpela wari bilong korapsen long kantri.

I gat ol ripot i kam long PNG i tok tu olsem planti ol

meri kendideti gat bikpela save olsem ol dokta, ol bisnismeri, ol tisa, ol nes na tu ol mama.

Helen Hakena, dairekta bilong Leitana Nehan developmen ejensi long Bogenvil i tokim Radio Australia olsem em i amamas long foapela Bogenvil meri i resis long ileksen.

Kina Benk opim nupela brens long Visen Siti Soping Mol – Pot Mosbi



Fran des kaunta bilong Kina.



Fran des bilong esiloan.



Meri bai helpim ol kastoma long fran des.



Namba tu des bilong helpim ol kastoma



Katim Kek bilong Kina – L-R: CEO Kina, Syd Yates, Praim Minista Peter O'Neill, Siaman Kina Bod, Sir Rabbie Namaliu, Gavana bilong Benk ov Papua Niugini.



Katim Ribon bilong nupela Kina benk: L-R: CEO Kina, Syd Yates, Praim Minista Peter O'Neill, Siaman Kina Bod, Sir Rabbie Namaliu, Gavana bilong Benk ov Papua Niugini.



Praim Minista bungim ol Kina Bod memba.



Praim Minista rausim K50 wantaim Kina ATM kat. CEO Yates i soim amamas long baksait.

Tok save bilong dai bilong Asbisop Sir Brian Barnes OFM

Seketeri bilong Katolik Bisop Konprens, Pater Victor Roche i tokaut long asde olsem olpela Asbisop bilong Pot Mosbi, Sir Brian Barnes i bin dai long Sydney long asde moning taim.

Mama i bin karim Asbisop Brian Barnes i bon long 23 Mas 1933 long Wingham, New South Wales, Australia. Em i kisim odinesen long kamap pris long 12 Julai 1958; Kamap Bisop bilong Aitape long 30 Oktoba 1987; Ol i makim em Asbishop bi-

long Pot Mosbi long 27 Jun 1997; Em i kisim opis bilong Asbisop bilong Pot Mosbi long 16 Ogas 1997. Em i ritaia long 26 Mas 2008 na i dai long 9 Me 2017.

Wantok Niuspepa i sori tasol tok amamas long ol gutpela wok bilong Asbisop Brian Barnes long taim em i stap wanpela lida man long sios long ol strongpela toktok bilong em long stretpela pasin na tok egensim korapsen na pasin bilong daunim na bagarapim ol tarangu lain.



Asbisop Brian Barnes i kisim poto wantaim Kimberly na Rexford Bernard long Bomana Holi Spirit Semineri, taim em i bin stap olsem Asbisop bilong Pot Mosbi Asdaiosis. Poto: Nicky Bernard.

Amamasim pestode bilong namba wan santu bilong Osenia St Peter Chanel Feast de

Anna Solomon i raitim

OLGETA Katolik peris na skul i gat was santu bilong ol na long pestode bilong dispela was santu, i save gat spesel lotu i kamap. Ol bilip manmeri bilong St Peter Chanel peris long Erima, NCD i bin gat wanpela bikipela lotu long Sande 30 Epril bilong makim de bilong was santu bilong peris, St Peter Chanel. Pestode bilong em i Epril 28.

St Peter Chanel i bin namba wan martir bilong sios long Osenia/Pasifik rijon na planti peris na ol Katolik skul long dispela rijon i karim nem bilong em tude.

Mama i bin karim em long kantri Frans long yia 1803. Em i bin kamap wanpela Daisisen pater na i go

mekim wok bilong sios tasol em i gat strongpela laik tru long kamap misineri. Orait em i joinim ol lain Marist bikos kongrigesen bilong ol i kisim tok orait bilong Pop long go mekim wok misin long ol nupela hap i stap long Osenia rijon.

Ol i salim Fr Peter Chanel i go wok misin long Futuna ailan long hap bilong Pasifik. Em i mekim wok bilong telimautim Gutnius na bringim ol pipel i kam long sios. Tasol bikman bilong Futuna i no bin amamas na ol i kilim em i dai long 1841.

Pop Pius 12 i bin mekim em i kamap wanpela santu bilong Katolik sios long 1954 na tokaut olsem em i wanpela martir na was santu bilong Osenia rijon.



Pater Marsinaus Bei SVD i go pas long bikipela lotu bilong selebretim pestode bilong was santu bilong peris, St Peter Chanel.



Sampela peris mama i kisim poto bihain long lotu.

Pasin bilong wokim posin i stilim pawa bilong God

Joyce Huanjo i raitim

PASIN bilong wokim mejik o posin na sanguma i soim olsem man i laik kisim pawa bilong God long wanem ol i ting ol inap bagarapim man na senisim ol samting.

Dokta Jurgen Stadler husait i stap olsem Researcher long Melanesian Institute, i mekim dispela toktok insait long wanpela woksop wantaim ol fainal yia sumatin bilong Martin Luther Semineri insait long Lae.

Woksop i toktok long wok bilong Sorcery na Witchcraft/Posin na Saguma pasin.

Dispela woksop i bin ran long wanpela wik olgeta stat

long namba 1 de bilong mun Me na pinis long 6 de.

As tingting bilong woksop em long skulim ol sumatin bilong MLS husat bai kamap Pasto bihain long ol i greduet long luksave long ol kain pasin na hevi we i wok long bagarapim sios.

Dokta Stadler i tokaut olsem ol man o meri husat i save mekim posin na sanguma i laikim olsem ol pipel i mas pretim ol long wanem ol i gat ol kain pawa.

Dispela i soim olsem ol i traिम long kisim ples bilong God long mekim ol pipel i mas pretim ol.

Na tu ol i bilip olsem wantaim ol kain pawa ol inap

senisim o mekim kain kain samting.

Man i save kilim arapela long pasin bilong posin na sanguma long wanem ol i laik kisim biknem long dispela pasin.

Dokta Stadler i tok dispela em i tingting bilong satan long kamap olsem God.

Em i tok moa yet olsem tude planti man i laik stap nambawan wantaim biknem na pawa na em i tok strong long ol sumatin long was gut long wanem satan inap bagarapim singaut bilong yu long mekim wok bilong God na mekim ol pasin nogut olsem stilim mani bilong sios. Em i tok pasin bilong kilim

man i dai i no pasin bilong Jisas.

Dokta Stadler i tok tu olsem sapos man i laikim tumas mani na pawa em i as bilong olgeta pasin nogut.

Em i tokaut olsem mani i save kamapim sin tasol em i presen i kam long God na man i mas yusim gut long helpim sindaun bilong em yet na ol arapela.

Em i tok tu olsem God i save larim satan i traिम yumi na traिम em i samting we inap mekim yu bilip long pasin sanguma na posin.

Em i tok tasol man i mas tingim tu olsem plen bilong satan em i anit long pawa na strong bilong God.



SENISIM TINGTING

Taim em i pinisim skul long Yuniversiti, Rudi i wok long wanpela kampani na em i gat gutpela pe bilong em. Em i baim wanpela kar bilong em yet na i no stap wantaim papa mama moa.

Long wanpela potnait Sarere, em i tokim foapela gutpela pren bilong em i go long klap. Em i wanpela Sarere bilong Ista Vigil. Em yet i save tru olsem dispela Sarere em i Ista Vigil, tasol em i no go lotu.

Taim olgeta pren bilong em i kamap pinis, Rudi i draivim kar bilong em na ol i go. Tasol i gat wanpela birua ol i bungim long rot. Wantu tasol wanpela taia bilong kar i flet. Foapela pren bilong em i kalap na pusim kar i go long wanpela taia servis i stap longwe liklik long ples ol i bungim hevi bilong taia. Ol i no bringim spe taia wantaim.

Taim ol i wetim man i fiksime taia bilong kar, ol i go sindaun long wanpela kaibar klostu long taia sevis na kaikai. Taim ol i sindaun, mama bilong kai bar i bin pilai musik long redio bilong em. Em i wanpela naispela singsing bilong Alleluia Hendel.

Wantu tasol Rudi i sindaun sarap tasol long harim dispela musik. Ai wara bilong em i ran i go daun. Narapela pren bilong em i mekim kain kain stori, tasol i luk olsem Rudi i no harim stori bilong ol. Yau bilong em i go pas tru long musik Alleluia Hendel.

Mama bilong kai bar i bringim kaikai bilong ol i kam na wantaim bikipela smail long pes bilong em, em i tokim ol: "Pikinini! Hepi Ista long yupela. Kaikai ya, em i ISTA presen bilong mi long yupela".

Rudi i pilim bikipela sori tru na em i laik kraim bikipela. Tasol em i inap long holim bek yet. Olgeta pren bilong em i kaikai na amamas tru. Tasol Rudi i no gat laik long kaikai. Em i sarap tasol na bihain em i askim mama bilong kai bar: "Mama, wanem taim Misa bilong Ista Vigil long haus lotu klostu long hia?".

Wantaim bikipela smail mama i bekim: "Misa bai stat long ten klok. Yupela go na bihainim Ista Vigil Misa. Jisas i kirap pinis, alleluia. Long 9 klok mi bai pasim kai Bar na go long Misa".

Taim Rudi i harim dispela bekim, em i tanim pes na lukluk long olgeta pren bilong mi na i tok: "Pren bilong mi. Mi senisim tingting. Mi no laik go long klap moa. Mi laik go long haus lotu na bihainim Misa bilong Ista long 10 klok".

Olgeta pren bilong em i bekim, "Mipela tu bai kam wantaim yu. Yumi go wantaim na bihainim Misa bilong Ista Vigil."

Rudi i go lukim mama bilong kaibar na givim mani long em. Tasol Mani em i givim i bikipela tru i winim prais bilong kaikai ol i kaikai long en. Olsem na mama i tok nogat, tasol Rudi i tokim em olsem: "Mama! Yu mas kisim dispela mani. Dispela i no bilong baim kaikai mipela i kaikai pinis. Nogat. Em i ISTA presen bilong mi i go long yu. Bikos tunait yu bin opim ai bilong mi na mekim mi senisim tingting. Mipela i laik go long klap long dring na spak, tasol musik Alleluia Hendel i kam long redio bilong yu i bin opim ai bilong mi na lukluk bek olsem tunait em i Ista Vigil. Mi mas go long lotu. I no go long klap na spak".

- Yu bin pilim samting olsem tu? Musik na toktok na pasin bilong narapela manmeri o pasin bilong yumi, inap long senisim tingting bilong narapela manmeri long kamap gutpela manmeri.
- Tingim! God i yusim yu na mi long opim yau na ai bilong narapela manmeri long harim na lukim God!

K3.2 bilien long mekim rot

Paul Zuvani i raitim

GAVMAN long las 5-pela yia i yusim K3.2 bilien long ol rot stat long 2012 i kam.

Woks Seketari David Were i tok long las wik olsem sampela long dispela mani i go long wok bilong mentenim rot.

Em i mekim dispela tok long taim Dipatmen bilong em i bung wantaim ol arapela dipatmen na developmen patna long wok bilong rot long Stanley Hotel, Pot Mosbi las wik.

"Long kantri i gat gutpela rot netwok dispela i bikpela samting," Were i tok.

"Ol manmeri i yusim rot long mekim ol wok o long go long wanpela ples i go long

narapela ples.

"Tasol i gutpela long lukim ol rot i stap gutpela olgeta taim."

Were i tok inap long 4000 kilomita (89 pesen) rot bilong kantri i stap long mak we ol kar i ken ran i go i kam tasol narapela 11 pesen i stap long mak we em i hat.

Em i tok Dipatmen i no save kisim mani mak stret bilong stretim na lukautim gut ol rot na dispela i lukim kost bilong stretim ol rot i go antap yet.

Em i tok gavman inap sevim mani sapos em inap givim mani mak stret.

Em i tok i no gutpela long gavman i kamapim ol nupela rot long taim ol olupela

rot i stap i laikim wok bilong stretim.

Em i tok i gutpela long stretim gut ol rot long wanpela taim tasol moa long mekim hap hap wok.

"Pasim hevi long no ken kamap i moa gutpela long hevi i kamap na bihain stretim," Were i tok.

"Mipela olgeta taim i no ken pas long hevi bilong stretim rot we dispela i kamap bikos pastaim mipela i no bin mekim gut."

Were i tok ol hap we rot i gutpela ol manmeri i kisim gut sevis olsem skul saplai, ol pikinini i go long skul, haus sik na marasin i stap na ol manmeri i ken i go long maket na salim samting bilong ol. Tasol we rot i no stap o nogut, dispela i lukim ol manmeri i hat long kisim sevis.

Long ol nupela rot Were i tok wan wan kilomita i min i mas gat mani bilong stretim.

"Sapos mipela i no mentenim ol rot na bris, kost bilong stretim ol wok bai go antap yet."

Long K3.2 bilien, Were i tok dipatmen i yusim long dispela ol hap:

- K1.3 bilien long ol nesenel rot;
- K568 milien long ol taun rot;
- K429 milien long ol provinsal na distrik rot;
- K329 milien long ol bris; na
- K90 milien long "missing link".

Ol opisa long dipatmen bilong praim ministra, tresari, plening, fainens, trenspot, Australia Dipatmen bilong Foren Afeas, Australia Hai Komisen, Esia Developmen Benk, Yuropien Yunion, Japan Intanesenel Koporesen Ejensi (Jica) na Wol Benk i bin kamap long harim tok.

Komyuniti klinim Gordons Maket

Josiah Ururu Kana i raitim

TUNDE long 9 Me, 2017, Nesenel Kapital Distrik Komisen Maket Divisen Jenda Des, UN Wimen na 11-pela arapela komyuniti grup bilong ol strit mangi i bin go pas long wanpela bikpela klinap wok long Gordons Maket long Pot Mosbi.

Gordons maket i gat nem long ol raskol i save stilim bilum, planti pipia na planti pasin bilong kros pait namel long ol pablik na tu wantaim ol polis i save kamap na planti gutpela lain i save les long go long dispela maket long siti.

Ol dispela grup i bung wantaim long mekim dispela klinim ples wok stat long 6 klok moning inap 9 klok. Ol i wokim dispela long traim senisim tingting bilong ol pablik manmeri long Gordons maket olsem em i helti na seif long go na mekim maket na bisnis long hap.

Wanpela maket mama, Medlyn Puhti bilong Westen

Hailans i tokim Wantok Niuspepa olsem; "Mipela sampela i save wokim maket long salim samting long hap bilong tromoi rabis long sait bilong maket geit we mipela i stap arere tru long bikpela rabis dam bilong maket. Na long dispela as, ol kastoma i save les long smel bilong rabis na ol i no save kam baim samting bilong mipela."

Mis Medlyn i tok tenkyu tru long ol grup i kamap long wokim klinap na em i amamas tu olsem nau ol kastoma ken kam long hap bilong ol bikos em bai no gat smel moa.

Narapela yangpela man bilong Westen Hailans tu nem bilong en, Robert Lengi husat i save salim ol kumu na banana i tok, "Sampela taim long taim ren i pun-daun, ples tu i save pulap lng rabis na olgeta rabis bilong bikpela dam i save kapsait kamaut long maket ples bilong mipela ol lain husat i maket long sait. Tasol nau

bako i kam na ples bai klin olsem na em bai orait nau."

Maket Supevaisa, Sengi Oidike i tok, "Nau em bikpela dam trak bai i go i kam long ples we rabis i stap long bek geit taim em i pulap wantiam rabis, na em bai kisim rabis i go. No gat rabs bai i stap nating na sting na kamapim smel no gut."

Em tok gen olsem lo na oda hevi tu i wok long go daun nau bikos ol maket sekyuriti i stap na putim was strong long lukautim insait ples bilong maket na ol polis tu bai lukautim ausait bilong maket.

Ples nau i luk klin long salim gaden kaikai bikos ol maket lain, ol strit mangi long Gordons, NCDC opisa bilong Gordons maket na ol arapela manmeri i kirap long 6 klok moning taim na stat long klinim ples i kami nap 9 klok moning taim.

Gordons maket i bin pas long dispela taim bilong klinim maket na bihain ol i opim gen.



Bekho klinim hap bilong pipia long Gordons Maket. Foto: Josiah Ururu Kana



Gordons maket klostu long hap bilong pipia bihain long ol komyuniti i klinim pinis. Foto: Josiah Ururu Kana.

ADB, Kina Benk i sainim Fes Treid Fainens Dil long PNG



Christine Engstrom (namba 2 long raithan), ADB Dairekta bilong Praivet Sekta Fainensel Institusen Divisen, Steven Bek (lephan), Het ov ADB Treid Fainens Program, Syd Yates (namba 2 long lephan), CEO bilong Kina Benk, na Isikeli Taureka (raithan) Bod memba bilong Kina Benk, long taim bilong sainim kontrak long Yokohama, Japan long Me 7. Foto: Kina Benk midia

ESIEN Developmen Benk (ADB) na Kina Bank Limited (Kina) i bin sainim wanpela treid fainens agrimen long larim ADB Treid Fainens Program (TFP) long givim tok orait bilong ol dinau mani inap long \$4 milien bilong treid long wan wan yia long Papua Niugini.

Sainim bilong dispela agrimen i bin kamap long Me 9, long Yokohama siti long Japan. Christine Engstrom, ADB Dairekta bilong Praivet Sekta Fainensel Divisen na Syd Yates, Kina Group Sif Eksektiv Opisa (CEO), long saidlain bilong namba 50 enuel miting bilong ol ADB Bod ov Gavana long Yokohama, Japan.

"Mipela i gat bikpela amamas long wok patna wantaim Kina Benk long sapotim moa treid wantaim PNG," Engstrom i tok.

"Wantaim helpim bilong ADB, Kina bai inap long groim treid fainens opere-

sen bilong en na kamapim moa fainensel sapot long ol lokal impot na ekspot bisnis olsem ol smol na midium sais enteprais." Em i tok.

Kina em i namba wan bek long PNG i patna wantaim TFP, na em i namba 3 benk long Pasifik long go insait long dispela program. TFP i bin statim wok bilong en long 2004 long hap bilong Esia, na long 2015 Gavman bilong Australia i putim mani i go insait long TFP long go long Pasifik.

"Mipela i amamas tru long bung wantaim ADB Treid Fainens Program," Mista Yates i tok.

"Taim Kina i go insait long program em i opim rot long em i ken go insait long AAA intenesenel reiting bilong ADB long putim veliu long ol klaien bilong mipela long intenesenel treid. Em i soim tu olsem ADB i gat bel isi long wok wantaim Kina benk long menesim ol hevi

we inap kamap long ol intenesenel transeksen." Mista Yates i tok.

Kina i bin kamap benk long 2015 taim em i bung wantaim Maybank (PNG) Limited na Kina Finance Limited i kamap. Kina i kisim nem olsem namba 4 bikpela benk long PNG, na i lukautim olsem 3.0 pesen aset bilong benking sekta.

Ikonomi bilong PNG i sanap antap long treid, wantaim mak bilong ekspot olsem \$6.7 bilien long 2015 na impot long \$5.6 bilien. Ol bikpela ekspot em gol, oil, palm oil, kopi, na kakao. Ol bikpela inpot em ol masin na transpot ikwipmen, kaikai na ol fiul.

TFP, wantaim helpim bilong ADB i kisim kredit reit bilong AAA i opim rot bilong kisim ol dinau mani we moa long 200 patna benk i ken sapotim treid long helpim planti moa kampani long Esia i kam insait long impot na ekspot.

Oi Kokoda gest haus amamas long trening

WANPELA nupela trening program i wok long helpim ol papa bilong ol gest haus na kempasait long Kokoda Trek long kamapim gut bisnis bilong ol.

Long mun Epri moa long 60 papa bilong ol gest haus long Kokoda Trek i bin stap long wanpela smol skel bisnis trening semina long Manari, Efogi, na Isurava long kamapim gut bisnis bilong ol. Turisim Promosen Atoriti, Kokoda Track Authority na wanpela kontrakta i bin go pas long dispela trening program.

Wanpela bisnis leksera long Pasifik Adventis Yunivesiti bipo, Heather Vanua i bin skulim ol long pasin bilong makim prais long ol samting, baset, lukautim rekot, bosim gut taim na ol arapela samting ol i ken mekim long helpim ol kastoma.

Planti bilong ol lain i kamap long dispela trening program i no bin kisim trening long wok bisnis bipo. Ol lain tua opereta long Kokoda Trek i save bungim

wankain hevi olsem ol arapela liklik bisnis long ol ples we mani i save sot.

Joe Matamata husat i papa bilong Vadulogo Gest Haus long ples Manari i tok em i amamas long traime ol nupela aida em i kisim long dispela program.

Em i tok bipo em i save tromoi nating mani ol turis i givim em. Tasol nau em i lainim ol nupela samting.

Em i tok em i lainim ol rot bilong baset long mani long

winim wanem mak em i laik winim long sotpela taim na long bihain taim. Em i tok sapos em i bihainim ol samting em i lainim bai em inap long kamapim gut kempasait bilong em long bihain taim.

Mis Vanua i bin tokim ol dispela lain tu long ol yusim ol samting i stap long bus long wokim ol narapela prodak em i ken salim tu na i no ken lukluk long ol gest haus olsem wanpela rot tasol long painim mani.



Heather Vanua i toktok long ol pasin bilong ranim bisnis.

Gavana Jeneral sainim ENB Palm Oil Agrimen



Ol eksekutiv bilong Kairak Oil Palm sainim agrimen wantaim Seketeri bilong Dipatmen bilong Treid na Komes.

GAVANA Jeneral bilong Papua Niugini, Bob Dadae i stap long lukim sainim bilong wanpela agrimen bilong pam oil developmen long Is Nu Briten provins.

Projek agrimen stap namel long PNG Gavman, Is Nu Briten provinsal gavman na ENB Palm Oil Mill Ltd long kirapim Kairak Nucleus Oil Palm Developmen.

Wantaim dispela projek agrimen, Kairak Nucleus Oil Palm Developmen Projek bai i no inap baim impot duti na eksais takis long ol masin na samting bilong wok ol ikwipmen ol bai kisim kam insait long kantri.

Dispela projek em bai kamapim oil pam prodak na prosesing, fores developmen

na rifestesen na infrastraksa developmen olsem wokim ol rot na bris long bungim Gazelle na Pomio distrik i go long Rabaul na Kokopo na ol narapela hap bilong Nu Briten.

Developa bilong projek, Is Nu Briten Palm Oil Ltd, bai putim mani mak long K376, 950,000 bilong 10-pela yia long developmen projek na ol infrastraksa wok long Gazelle distrik.

Sif Eksekutiv Opisa bilong ENG Pam Oil Mill Ltd, Tan Eng Kwee i sainim kontrak wantaim Seketeri bilong Dipatmen bilong Treid, Komes na Industri, John long ai bilong Gavana Jeneral John Andrias na Gavana bilong Is Nu Briten Eremam Tobaining Jr.

Ikonomi i kamap gut

MASKI long hevi bilong mani, ikonomi bilong Papua Niugini i luk gut, Esia Developmen Benk (ADB) it ok.

Menesing Dairekta bilong benk, Andrew Wilkins i tok 2017 i yia we ol bisnis i wok redi long gutpela kamap bilong ikonomi long sampela taim.

Em i tok hevi bilong mani kantri i wok long bungim em bikos long prais bilong wel, ges, gol na kopa long wol maket i go daun.

Em i tok PNG ikonomi i stap daunbilong long tri (3) pesen na dispela i daunbilong long 3.4 pesen mak Intanesenel Monitari Fan (IMF) i tok long em.

Em i tok sampela

ikonomis o saveman i tok long ikonomi bilong wol bai kamap gut long narapela 12-pela o 18-pela mun taim.

Long hevi bilong ikonomi, Wilkins it ok dispela em bikos long prais bilong ol komoditi olsem wel, ges, gol, kopa na ol egrikalsa prodak olsem kakao, kopi, wel pam na kokonas i go daun.

Hevi long prais bilong dispela ol samting i stat long 2015.

Em i tok bikos prais bilong dispela ol samting i go daun, dispela i min mani PNG gavman i kisim kam insait i liklik.

Gavana bilong Benk ov Papua Niugini (BPNG)

Loi Bakani i tokaut long risev o mani kantri i kisim na gat long en i no bikpela. Bakani i save long as bilong dispela hevi.

Em i tok bikos long prais bilong ol komoditi i stap daunbilong, dispela i lukim no gat planti wok i kamap, no gat inap wok na dispela i lukim no gat planti mani i kam insait long kantri.

Moa yet gavman i askim ol bisnis long wet pastaim bipo long ol ken rausim mani i go ausait.

Bisnis wok long dispela taim i stap namel, i no gutpela na i no nogut tumas.

Long dispela i gat hop olsem bisnis long dispela taim bai gro long 3 pesen.

Asimba kisim nupela klasrum na helt senta



Nupela dabol klasrum long Asimba.

OL pipel bilong Asimba long Oro provins i bin amamas long kisim ol nupela klasrum na nupela helt fasiliti i kam long han bilong Kokoda Initiative.

Ol lain i makim helt na edukesen divisen long Oro i bin stap wantaim Deputi Australia Hai Komisina Bronte Moules long taim em i opim ol dispela nupela fasiliti long Me 4.

Ol dispela nupela fasiliti em wanpela dabol klasrum, wanpela haus bilog tisa, helt risos senta, ol wara tep na toilet. Moa long 120 studen bai i amamas long yusim dispela nupela dabol klasrum

na ol wara tep na toilet. Na dispela helt senta bai helpim ol pipel bilong Asimba na ol arapela ples i stap klostu.

Lida bilong ples, Maima Puni i tok ol pipel bilong em i save bungim planti ol hevi tasol nau ol i lukim sindaun bilong ol long taim bihain bai i orait.

Em i tok laip bilong ol pipel bilong Asimba na Chirima i kamap nupela gen.

Asimba i stap long Kokoda Trek na man i mas wokabout i go o go long kanu long kamap long en em i stap longwe tru na i no isi long kisim ol sevis bilong gavman. Olpela skul bilong

ples i lapun na bruk nabaut olsem na planti famili i save salim ol pikinini i go slip wantaim ol wantok long Kokoda na skul long hap.

Wanpela gret foa studen, Abraham Tatafi i kam bek stap long ples gen bihain long em i bin go skul long Kanga praimer skul klostu long Kokoda inap long tupela yia.

Em i tok bipo ol i gat wanpela tisa tasol husat i skulim olgeta gret long wanpela klasrum tasol. I no gat spes na i no gat desk na sia. Em i tok nau em i lukim ol nupela klasrum na i gat sampela nupela tisa tu olsem na em i kam bek skul gen long ples.



Ol studen bilong Asimba i singim nesenel entem bilong Australia na PNG.

Inglan i kamap strong moa long Samoa

OL Inglan i soim pawa bilong ol egensim ol Samoa na daunim ol, 30-10, wantaim 20 poin long ai bilong 18, 271 manmeri na pikinini long Campbelltown Stediam.

Inglan i stap pas yet long stat bilong resis i go inap long resis i pinis.

Ryan Hall i bin opim trai bilong ol Inglan long namba tri minit bilong resis taim.

Ol Samoa i asua na referi i givim penelti egensim ol na Inglan i kisim tupela poin long konvesen kik. Stefan Ratchford i bin putim namba tu trai bilong namba wan hap bilong resis i lukim ol Inglan i stap pas wantaim 14-0 poin inap taim bilong malolo i kamap.

Senta pilaia, Joey Leilua, i putim namba wan trai bilong ol Samoa na putim mak long skoa bod bihain long taim bilong malolo.

Tasol, ol Inglan i no laikim ol Samoa long abrusim ol na pilaia bilong ol, Josh Hodgson i skruim skoa i go antap moa

yet wantaim wanpela trai.

Anthony Milford i amasim ol sapota bilong Samoa wantaim wanpela trai bihain long trai bilong Hodgson.

Tasol, ol Inglan i bin putim tupela trai gen klostu long pinis bilong resis taim we James Graham i putim trai bipo long Jermaine McGillvary.



Tupela pilaia bilong Inglan i amamas bihain long ol i bin putim trai.

Tonga i daunim Fiji long las minit

LEILANI Latu bilong ol Tonga i bin putim tupela trai i skruim skoa bilong ol Tonga, 26-24, long daunim ol Fiji long strongpela resis i bin kamap long Campbelltown Stediam.

Manu Vatuvei na Latu i bin putim tupela trai pas i

lukim ol Tonga i stap pas, 10-0, long stat bilong resis.

Tasol ol Fiji i strongim ol yet na i bekim trai bilong ol Tonga i lukim ol Fiji i stap pas, 18-14, long taim bilong malolo.

Resis i kamap wankain we tupela tim wantaim i kisim

wankain poin klostu long pinis bilong resis taim.

Tasol, namba tu trai bilong Latu i kamap long las minit i skruim skoa bilong ol Tonga i go antap long 26 na i daunim ol Fiji long namba wan taim wantaim tupela poin.



Ol Tonga i amamas bihain long ol i daunim ol Fiji, 26-24.

PNG daunim Cook Island long Pasifik Tes resis

FULBEK bilong PNG Kumul, Stargroth Amean i putim tupela trai bilong ol Kumul long 30-22 win egensim ol Cook Island long Pasifik Tes resis i bin kamap long Campbelltown stediam long las wiken.

Tupela tim i pilai wankain we skoa long taim bilong malolo i sanap olsem 12-12.

Tasol ol PNG i kisim 20 moa poin long

namba tu hap na daunim ol Cook Island wantaim 10 poin bihain long ol Cook Island i skruim skoa bilong ol i go antap long 22 poin.

Stargroth Amean i putim tupela trai na Adex Wera, Wartovo Puaru Jnr na Nixon Put i putim wan wan trai. Ase Boas i no westim taim long kisim 6-pela gol i skruim poin bilong ol long daunim ol Cook Island.

Kangaroo i win long namba 50 Tes pilai bilong Smith

AUSTRALIA Kangaroo i amamas long namba 50 taim bilong Cameron Smith i pilai long Tes pilai we ol Kangaroo i daunim ol Kiwi, 30-12.

Dispela em i 100 taim bilong ol Kangaroo long winim ol Nu Silan.

Namel bilong namba tu hap bilong resis, fulbek bilong ol Kangaroo, Josh Dugan, na prop bilong Kiwi, Russell Packer, i kisim

bagarap bihain long tupela i bamim het bilong tupela yet.

Long wankain taim, top pilaia bilong ol Cowboys, Jonathan Thurston, i pilai long tes resis bihain long em i bin kisim bikipela bagarap.

Pilai bilong Thurston i kamap namba wan tru na ol i lukim em olsem em i orait long pilai bihain long em i helpim ol Kangaroo long putim tupela trai.

Thurston i tok olsem, bagarap em i bin kisim long NRL resis em i liklik samting. "Mi mas putim tim namba wan bikos, sapos mi no pilai, tim bai no inap pilai gut."

Kosa bilong ol Kangaroo, Mal Meninga, tu i amamas long Thurston i pilai gut.

"Thurston i pilai na gem i kamap orait na mi gat bikipela amamas long em," Meninga i tok.



Jonathan Thurston i sekhan wantaim ol sapota.



Ol Kangaroo i amamas bihain long ol i putim trai.



Ol PNG pilaia i amamas bihain long ol i win long Pasifik Tes resis.



Menesing Dairekta bilong British Sefti Sevises (BSS), Pat McLoughlin i givim ol toktok long trening.

WANPELA bikpela sefti tren- ing ogenaesisin bilong Inglen, British Sefti Sevises (BSS) i bin givim tupela wik helt sefti trening long ol wokman meri bilong Ramu NiCo Menesmen (MCC) long Madang tupela wik i go pinis.

Menesing Dairekta bilong British Sefti Sevises (BSS), Pat McLoughlin i bin kamap long Madang long ranim dispela okupesinol sefti trening.

Dispela trening i lukim namba wan hap bilong em ol lain Ramu NiCo wok lain bilong Saina i stap insait long en long Epril 24 i go 28, na namba tu grup lain i stap long Me 1 i go pinis long Me 5.

RAMU NiCo Menesmen (MCC) Limited i laik strongim dispela pasin bilong wok sefti i stap long ples bilong wok bilong en na i bringim ol intenesenel trena i kam long givim ol sefti toktok long ol wokman na wokmeri bilong em.

Ol lain husat i stap long trening em ol Helt, Sefti Enviromen opisa bilong Kurumbukari Main na Basamuk Rifaineri.

Het-tok bilong dispela HSE trening i sut long olgeta wan wan wokman meri long stap helti na stap seif olgeta de. Olsem na olgeta mas oltaim

gat seif veliu na gutpela tingting long go long wan wan wokman meri long tingim sefti oltaim long wan wan eria bilong ol long wok ples. Taim ol wokman meri i stap gut ol bai wok gut na sevim famili haus bilong ol bihain wantaim gutpela bodi na no gat bagarap nabaut.

Moa long en em olgeta wokman meri mas:

- Save gut long veliu bilong HSE polisi na prosidsa
- No ken larim ples we i no seif long narapela lain o HSE Dipatmen i stretim. Yu mas givim taim bilong yu long stretim;
- Lukautim sefti bilong yu yet na helpim ol wanwok bilong yu long gutpela pasin bilong sefti.

Planti ol kain kain program long luksave long sefti na gutpela pasin bilong wok mas kamap long KBK Main na tu long Basamuk Rifaineri. Dispela kain trening bai skruim tu moa HSE awenes long olgeta wokman na wokmeri bilong Ramu NiCo na ol wokman meri bilong ol kontrakta na ol komyuniti.


BSS ranim tupela wik sefti trening long Ramu NiCo



Namba tu grup lain bilong Kurumbukari Main na Basamuk Rifaineri husat i stap long trening.



Ol Ramu NiCo wok lain i stap long trening.



KBK Mining

135 KM Slurry Pipeline

BSK Refinery

Kapuls straika Gunemba helpim LCD dro wantaim Madang FC

James G. Kila i raitim

SEMPION PNG Kapuls straika, Raymond Gunemba i soim olsem maski lek bilong em i bagarap liklik long las wik Sarere, tasol strong bilong kikim bal i stap yet taim em i hamarim stret wanpela strongpela bal wantaim pawa stret i go insait long umben bilong Madang FA long kamapim 1-1 dro.

Planti lain i no bilip long kik bilong Gunemba na ol i ting olsem Madang FC bai winim dispela gem, tasol em i go wantaim pawa stret bihain long lek bilong em i bagarap.

Gunemba i bin kisim bagarap long skru bilong em long namba wan hap bilong pilai, taim em i resis long bal wantaim ol beklain bilong Madang FC, tasol kosa na papa bilong em, Peter Gunemba, i no rausim em long gem. Bilip bilong papa bilong em i lukim dispela sempion straika i pairapim strongpela bal stret we i mekim golkipa bilong Madang FC i paul stret.

Raymond i pilai long kontrak long Nu Silan, tasol i kam bek long kantri na i go pas long tim em i save laikim tumas, Lae City Dwellers, long pilai insait long Telikom Nesenel Soka Lig. Kam bek

bilong em long kantri i givim moa strong long LCD nau insait long resis bilong Telikom NSL.

Kosa, Raymond i tokaut olsem, olgeta LCD pilaia i amamas long Raymond i kam bek long tim. Em bai go bek long Nu Silan taim sisen bilong hap i stat gen long pinis bilong dispela ya.

Madang FC em i namba wan long skoim gol bilong ol long namba 10 minit bilong namba wan hap bihain long midfilda, Hanson Topio, i kamapim gutpela muv long trik wantaim bal na giamanim ol beklain bilong Dwellers. Em i salim bai go insait long penalti eria we i lukim straika Papalau Awele i kikim isi tasol i go insait long umben.

Namba wan hap bilong pilai i lukim Madang FC i gat planti sans long skorim gol, tasol ol midfilda bilong ol olsem kepten, Max Sengum, i holim bal tumas na i no putim bal gut bilong ol straika olsem Emmanuel Airem, Samuel Kini na Awele.

Ol franlain bilong Dwellers olsem Obert Bika wantaim PNG Kapuls midfilda, Emmanuel Simon i bin traime hat tru tasol strongpela banis bilong narapela Kapul yet Felix Komolong, Vincent Worio, Nigel Malagian na Langarap



Ol bikman bilong PNG FA na Madang Gavana, Jim Kas i go bungim ol pilaia bilong Lae City Dwellers na Madang FC bipo long gem i stat.

Samol i bin strong tumas.

Ol winga bilong Madang FC tu i no bin traime skoa long fes hap taim ol i gat sans long sut. Ol Madang FC i wok long pilai pilai tumas long midfil na holim bal tumas we i lukim planti ol sans bilong ol long skoa i go popaia nating.

Dispela namba wan pilai bilong Telikom PNG Futbol Asosesin (PNGFA) Nesenel Soka Lig i lukim ol bikman bilong PNGFA olsem nupela bod siaman na deputi gavana bilong Benk ov PNG, Benny Popoitai, sif eksekutiv opisa bilong PNGFA, Seamus Marten na ol arapela dairekta bilong PNGFA olsem John Wesley Gonjuan. Gavana bilong

Madang, Jim Kas tu i bin stap long lukim tim bilong em Madang FC i pilai bikos em i go pas long Madang provinsal gavman long kamap olsem meja spona bilong tim.

Kosa bilong PNG Kapuls Serristlev Flemming i bin stap tu long lukim dispela tupela NSL gem namel long Besta PNG Yunaited na Huawei PS Yunaited na mein gem namel long Lae City Dwellers na Madang FC.

Planti soka sapota i amamas long lukim naispela gem namel long tupela strongpela tim bilong Momase rijon bikos no gat hevi i kamap na planti i amamas olsem soka gem i stap strong yet long PNG.



Sempion PNG straika Raymond Gunemba wantaim ol sapota bilong em na tu wanpela liklik tu go long em sainim otograp bihain long gem egensim Madang FC. Poto: James G. Kila

Tigers i stap namba wan long lata

Philemon Tame i raitim

LAE Snax Tigers i stap namba wan long lata bihain long raun namba tu bilong Digicel Kap resis.

Tigers i bin daunim ol Rabaul Gurias, 40-0, long raun namba wan long asples bilong ol long Lae na daunim ol Wigmen, 20-16, long raun namba tu long Pot Mosbi.

Ol Vipers i no kisim wanpela poin yet i lukim ol i stap las ples long lata.

Long ol resis i kamap long las wiken i lukim ol Waghi Tumbe i daunim ol EGP Enga Mioks wantaim tupela poin, 16-14, long Minj, asples bilong ol.

Agmark Rabaul Gurias i kisim strong long asples bilong ol long Kokopo na daunim ol Bintangor Goroka Lahanis, 24-12.

Long dabol heda pilai i kamap long Pot Mosbi long las wik Sande i lukim ol PRK Mendi Muruks i daunim ol NCDC Vipers na Lae Snax Tigers i daunim ol Kroton Hela Wigmen.

Lata bilong Digicel Kap bihain long raun namba tu i lukim;

- 1 Lae Snax Tigers wantaim 4 poin
- 2 Bintangor Goroka Lahanis wantaim 2 poin
- 3 Kroton Hela Wigmen wantaim 2 poin
- 4 EGP Enga Mioks wantaim 2 poin
- 5 PRK Mendi Muruks Wantaim 2 poin
- 6 Waghi Tumbe wantaim 2 poin
- 7 Agmark Rabaul Gurias wantaim 2 poin
- 8 NCDC Pot Mosbi Vipers i no kisim wanpela poin yet.

PNG etlit long Texas na Kansas i mekim gut

OL etlit bilong Papua Niugini i save stap long Texas na Kansas long Amerika i mekim gut na setim tupela nesenel rekot long las wiken.

Rellie Kaputin, Adrine Monagi na Peniel Richard i resis long Lone Star Konferens Sempionsip long long Texas na Wesley Logoravana Robson Yinambe i resis long Rijon V Junia Kolis Sempionsip long Arkansas Siti, Kansas.

Long wankain taim, Poro Gahekave, Shirley Vunatup na Naomi Kerari i stap long Texas Tek Yunivesiti long Lubbock long fainal resis bai kamap long dispela wiken.



Shirley Vunatup i ran long 4x400 hobs resis.



Adrine Monagi i resis long 100 mita hadel.



Poro Gahekave i ran long 5000 mita hobs resis.

Tigers i win yet

Philemon Tame i raitim
LAE Snax Tigers, premia bilong PNG Nesenel Ragbi Lig Digicel Kap, i win gen long namba tu raun bilong Digicel Kap sisen bilong dispela ya.

Tigers i daunim ol Kroton Hela Wigmen, 20-16, long ai bilong bikpela namba bilong ol manmeri na pikinini long Sir John Guise Stediam long las wiken.

Ol Tigers i trikim ol Wigmen gut tru long namba wan hap bilong resis na putim mak long skoa bot pas wantaim 16-0 poin.

Pasu Awene, Enoch Sine na Robert Vuia i putim ol tripela trai.

Ol Wigmen i strongim banis bilong ol isi na ranim bal i go klostu long trai lain bilong ol Tigers. Steven Mark i putim namba wan trai bilong ol Wigmen aninit long gol pos bihain long em i brukim banis bilong ol Tigers.

Faiv-eit bilong ol Wigmen, William Mone, skruim skoa i go antap wantaim tupela poin, 16-6, na ol i bungim taim bilong malolo.

Ol Wigmen i hangre long bungim skoa bilong ol Tigers

na ol i pait strong long namba tu hap i lukim winga, lan Maliaba, i putim namba tu traime bilong ol na konvesen kik tu i go insait.

Ol Wigmen i bungim skoa bilong ol Tigers, 16-16, long 60 minit bilong resis taim bihain long Mark i putim namba tu trai bilong em.

Tasol, ol Tigers i skruim skoa bilong ol gen, 20-16, bihain long wanpela asua i kamap long ol Wigmen.

Bipo pilaia bilong SP Hunters, Timothy Lomai, i soim kala bilong em gut tru na i winim prais bilong resis.



“Mi laik go ya no ken holim mi.” Fowod bilong ol Hela Wigmen ran strong taim Tigers pilaia i laik takelim em. Poto/ Nicky Bernard.

Muruks daunim Vipers long asples



Ol Vipers i bung na laik takelim pilaia bilong Mendi Muruks. Poto/ Nicky Bernard.

Philemon Tame i raitim

ELVIS Aiyako bilong ol PRK Mendi Muruks i putim wanpela traime long namel bilong namba tu hap bilong resis i skruim skoa, 10-8, na daunim ol NCDC Port Moresby Vipers long Sir John Guise Stediam.

Dispela em i namba wan gem bilong dabol heda resis bilong Digicel kap i bin kamap long las wik Sande long Pot Mosbi.

Ol Vipers i kisim strong

long asples bilong ol we Yoks Bagave na Michael Yanis i putim wan wan trai na ol Vipers i stap pas, 8-0, bihain long 15 minit bilong resis taim.

Ol boi Mendi i pait hat klostu long pinis bilong namba wan hap bilong resis we, fulbek, Wesley Vali, i putim namba wan trai bilong ol Muruks.

Skoa i sanap olsem 8-6 long taim bilong malolo bihain long Vali i kikim konvesen i go insait.

Pilai i strong tru long namba tu hap bilong resis we tupela tim wantaim i painim hat tru long bungim trai lain.

Long 60 minit bilong resis taim, Aiyako i putim trai long sait lain na Vali i traime long kikim konvesen i go insait tasol em i no go insait.

Ol Muruks i strongim banis bilong ol long daunim ol Vipers wantaim tupela poin na em i namba wan win bilong ol long Digicel Kap resis.

Nupela Bung FC tim winim gem long fofit

i kam long pes 28



Huawei PS United tim bilong Mosbi i redi long pilai long Nesenel Soka Lig resis long Madang.

Bihain long dispela fofit gem namel long Buang FC na Southern Strikers long las wiken i lukim ol yangpela pilaia bilong Besta PNG Yunaited i pilai wantaim Huawei PS Yunaited bilong Mosbi.

Ol yangpela bilong Besta Yunaited i bin pilai smat tru long fes hap na i bin fes long skoa. Tasol PS Yunaited i strong na putim wanpela gol

na tupela dro 1-1 long fes hap.

Long namba tu hap em gem i go strong tru we i lukim ol yangpela bilong PNG Futbol Akademi long Lae i soim stret stail long kontrolim gem na pusim bal i go kam na paolim ol lain bilong PS Yunaited.

Besta Yunaited i bin skoa pas long fes hap bihain long gutpela pilai long midfil em

yangpela Anda 17 pilaia long Osenia Ricky Waduna i setim narapela long raitwing Barthy Kerobin, husat i kontrolim bal gut stret i go na sutim i go insait long umben.

PS Yunaited i pilai strong i go na i skoa, na bihain long seken hap i strong yet i go na skoa gen na bringim fainol skoa i go 2-1.



Ol pilaia bilong Buang FC i redi long pilai las wiken tasol Southern Strikers tim bilong Mosbi siti i no bin go long Madang. Poto: James G. Kila

PNGRFL i tok tenkyu long Kumul

SIAMAN bilong PNG Ragbi Futbol Lig, Sandis Tsaka, i tok tenkyu long kosa, Michael Marum, na tim PNG LNG Kumul long ol i bin daunim ol

Cook Island, 32-22, long Pasifik Tes resis long las wiken.

Tsaka i tok tenkyu tu long fulbek, Stargroth Amean, long em i bin pilai gut.

“Olgeta 17 pilaia bilong PNG Kumul husat i karim kala bilong kantri na kam bek wantaim win em i bikpela samting,” Tsaka i tok.



Tim PNG LNG Kumul i amams na bung bihain long ol i daunim ol Cook Island, 32-22.



Rexford Bernard bilong Blade i traim long go spotim pilai bilong Yunited long hoki pilai bilong ol long Sir John Guise Stadium.



Brandy Peter bilong PRK Mendi Muruk i traim long brukim banis bilong Pot Mosbi Vipers. Muruks i win 10-8.



Lae Snax Tigers Pasu Awane i lukluk long pasim bal taim Melvin Paul bilong Kroton Hela Wigmen i putim was long takolim em long namba tu pilai bilong Digicel Kap resis long Pot Mosbi. Tigers i winim pilai 20-16.

Port Moresby Rugby Football League Inc.

WEEKEND DRAWS ROUND 1: WEEK 9 (MEN) & WEEK 6 (WOMEN)

FRIDAY 12TH MAY 2017 – NATIONAL FOOTBALL STADIUM # 2

TIME	GRADE	CLUB	VS	CLUB	MIN
11.20 AM	WOMEN	DEFENCE	VS	HOHOLA FLIES	40
12.00 PM	U/20	DEFENCE	VS	KONE STORMS	40
12.40 PM	U/20	KONE TIGERS	VS	DOBO WARRIORS	40
02.40 PM	WOMEN	DOBO WARRIORS	VS	ROYALS	40
03.10 PM	'A'	KONE TIGERS	VS	DOBO WARRIORS	60
					220

SATURDAY 13TH MAY 2017 – NATIONAL FOOTBALL STADIUM # 2

TIME	GRADE	CLUB	VS	CLUB	MIN
09.30 AM	U/20	TARANGAU	VS	HOHOLA FLIES	40
10.20 AM	WOMEN	TARANGAU	VS	HAWKS	40
11.10 AM	'A'	DEFENCE	VS	KONE STORMS	60
12.30 AM	'A'	TARANGAU	VS	HOHOLA FLIES	60
01.50 PM	'A'	ROYALS	VS	SOUTHS	60
					260

SUNDAY 14TH MAY 2017 – NATIONAL FOOTBALL STADIUM # 2

TIME	GRADE	CLUB	VS	CLUB	MIN
09.00 AM	U/20	PAGA PANTHERS	VS	BROTHERS	40
09.40 AM	WOMEN	SISTERS	VS	SOUTHS	40
10.20 AM	WOMEN	BUTTERFLIES	VS	PAGA PANTHERS	40
11.20 AM	U/20	HAWKS	VS	MAGANI	40
12.00 PM	'A'	WEST	VS	BUTTERFLIES	60
01.10 PM	'A'	PAGA PANTHERS	VS	BROTHERS	60
02.30 PM	'A'	AWKS	VS	MAGANI	60
					340

MONDAY 15TH MAY 2017 – NATIONAL FOOTBALL STADIUM # 2

TIME	GRADE	CLUB	VS	CLUB	MIN
12.00 PM	U/20	ROYALS	VS	SOUTHS	40
12.40 PM	WOMEN	MAGANI	VS	KONE STORMS	40
01.20 PM	WOMEN	WEST	VS	KONE TIGERS	40
02.00 PM	U/20	WEST	VS	BUTTERFLIES	40
02.40 PM	WOMEN	DOBO WARRIORS	VS	ROYALS	40
					200



Sempion bilong SP PNG Open Cory Crawford i lukluk gut long hol na redi long paitim bal.



Cory Crawford wantaim winim mani bilong em, tropi na em werim grinpela saket bilong em olsem yangpela wina bilong PNG SP Open long 2017.



DIANA *White*

WHITE TUNA
insait
K 2.20



Manufactured by:
RD Tuna Canners Ltd.



Tasty and Flavourful *White Tuna* for Everyone!

Nupela Bung FC tim winim gem long fofit

moa spot
stori na
piksa
long pes
25, 26, 17



James G. Kila i raitim

TUPELA nupela tim husat i stap insait long 2017 Telikom Nesenel Soka Lig (NSL) i no bin pilai las wik Sarere long namba wan gem bilong Nesenel Soka (NSL) Lig resis long Laiwaden oval long Madang. Wapela nupela tim tasol em Buang Futbol Klap bilong

Mt Hagen i bin go long Madang long pilai tasol taim Southern Strikers i no bin kamap em i lukim Buang FC i winim gem isi tasol long fofit. Buang FC em wapela tim we i save pilai insait long Mt. Hagen Soka Asosiesen na em wapela strongpela tim we i gat planti ol pilaia bilong en i save makim Hailans rijon long soka.



Besta PNG United tim i redi long pilai long Nesenel Soka Lig (NSL) resis long Madang. Foto: James G. Kila

moa stori long pes 26



* Treated Mosquito Nets **PREVENT** Malaria

* Visitect **TESTS** for Malaria

* Arterakine Tablets **TREAT** Malaria

Good Products, Better Prices, ikam long

 **Johnstons Pharmacies Ltd**

P.O.Box 1066, Boroko, Papua New Guinea.

Email sales@johnstons.com.pg